

阿文成公年譜

阿文成公年譜卷十六

受業

王昶勘定

盧蔭溥增脩

第三孫那彥成恭纂

乾隆四十年

八月初二日

公偕豐昇額海蘭察額森特奏言臣等於十五十

六兩日由托古魯山腿趕拏木柵而下該處拒賊  
寨甚近而科布曲山腿鎗礮及轉經樓等處鳥鎗  
均可相及賊又伏於各寨內不時出擾我兵迎住

截殺殲戮頗多但托古魯山腿迤邐將盡處有陸斯得寨落三座我兵不論往攻何處均須從旁經過賊眾聚守爲勒烏圍東南屏蔽若不先爲掃除難以拏柵直下殊於進攻有礙十七日派普爾普瑚尼爾圖官達色額爾特等帶兵拏柵並分頭攻打陸斯得寨是寨爲賊人收藏鉛藥之地守禦甚嚴自午刻攻至申刻官兵擁上礮頂斧劈寨門將兩寨攻克殺賊三十餘名來援之賊復潛入最後一寨合力守禦至亥刻一并攻開其竄出者多爲鎗箭所斃寨內有房一間堆貯鉛子積地二尺至

數寸不等又有火藥一百餘簍俱行收獲當將隆  
斯得三寨佔據卽從此接拏木柵查勒烏圍轉經  
樓中間寨落前此派兵繞道焚燒雖已燬十之七  
八但隆斯得寨未經克取官兵尙不能於此佔據  
而賊人仍潛伏各寨以爲迎拒聲援自當搶佔此  
中間各寨始可拏柵前進十九日二十日夜接連  
發兵攻打將各寨落奪據拏柵三十餘座礮臺七  
座往前進逼至福康安烏什哈達等於冷角喇嘛  
寺前分攻亦用大礮自北而南合轟勒烏圍官寨  
並直前接拏數柵已抵官柵寨稍北至近高礮相

去不過一箭之地飭令每夜派兵設伏礮下如賊  
有竄逸情形卽行截殺查托古魯山腿及冷角寺  
兩處均已運大礮轟摧幾於每礮皆中而衝天礮  
亦已運來施放但官寨高大堅厚惟仗礮力逐漸  
轟摧不能不稍延時日自當以截斷後路爲迅捷  
今官兵所佔之地已插在勒烏圍轉經樓中間其  
礮上往來之路已斷但此下尙有路一條在崖礮  
之下河灘之上而官兵欲斷此道其前復有大礮  
寨一座寨之左右又聯以羣寨必須攻克此處則  
其餘寨落旣易掃淨且斷崖礮以下之路而勒烏

圍與轉經樓及各處賊人來往無路可通更難死守但此寨亦極高堅現已攢礮力摧並卽發兵攻搶以期必克奏入

諭曰阿桂等奏攻克隆斯得賊寨係賊藏貯鉛藥之所現獲其火藥一百餘簍其鎗子堆貯屋內自數寸至二尺餘深此必係賊人前歲在木果木刼取者今經官兵收得實爲快意此寨一得賊人鉛藥無資自更難於守拒官兵攻剿尤當迅捷

初九日

公偕豐昇額海蘭察額森特奏言此時托古魯山

腿官兵以及冷角寺之兵兩面圍攻勒烏圍賊人以高礮下道路一條有大礮寨爲之遮蔽未能遽斷連日雖攢礮合轟未見大有坍塌臣等卽於二十一日夜派普爾普瑚尼爾圖泰斐英阿額爾特等進攻賊從寨牆之上放鎗拋石悉力抵拒并於大礮所透孔穴內放鎗外擊我兵離寨稍遠者均用鎗箭擊射牆上之賊其逼近寨牆下者卽將備帶柴捆草束以木叉挑上寨頂堆積寨旁使賊不能從孔穴中施放鎗石而我兵又將火彈藥囊拋置柴捆草束之中頃刻火發礮寨烟燄飛騰賊人

燒斃在寨內甚多其從烟火中突出者又被砍殺殆盡遂於其旁連夜趕拏木柵將此寨佔奪惟是自此下至河灘尙有高礮五層每礮數尺至丈餘不等其間亦有寨落賊先竄入據守應須逐層攻克但該處左右與勒烏圍寨轉經樓皆鎗箭可及若日間進攻拏柵不免傷損過多臣等每夜發兵攻打接拏木柵十一座二十四日戌時官兵在大風雨雹之中又拏起木柵四座礮臺一座已至第三層高礮之上二十五日夜復派普爾普等帶兵奮勇直前拏柵四座以便聯絡而下賊於二十六



日子刻攢集一二百人潛至柵下扳斷木植數根我兵不及放鎗隨將刀矛斫截出柵奮擊而別柵官兵亦俱星馳接應賊人旋即遁去又隨拏柵兩座臣等查看情形轉經樓之北尙有木城一座二十七日夜又派兵三路進攻其轉經樓相近木城雖被大礮轟摧已見塌損但地居高阜賊人四面刨就深濠排豎鹿角備禦極爲堅固臣等一面令官兵牽綴一面乘昏黑中派兵挖溝前進一至礮下突然而起賊在寨外礮下埋伏者多被我兵殲戮而寨內之賊死拒不出屢拋火彈急切未能即

然且該處距官寨更近賊人鎗礮不絕因佔據其  
旁一寨接拏木柵兩座已經下至第四層礮下與  
賊寨相隔只有三丈現復移礮於礮下柵內從旁  
轟擊此寨一經得接而賊已幾無逃竄之路奏入  
諭曰賊衆當此窘迫之時尙敢捨死抗拒實爲可惡然亦  
不過護巢情急暫緩須臾官兵奮力圍攻蟻輩豈能經  
久况我兵接拏木柵已至第四層礮下用礮轟摧尤爲  
得力自可尅期而得

十九日

公偕豐昇額海蘭察額森特奏言查勒烏圍巢穴

官兵竭力攻圍惟因第五層礮下與轉經樓往來  
及沿河過渡之路未經截斷而勒烏圍轉經樓兩  
處礮卡之外又尙有前此攻而未克之寨落及轉  
經樓北之木城皆能聯絡接應其迤南之科布曲  
山腿及迤西隔河賊卡內鎗礮皆可相及而近日  
各處敗回賊人及噶拉依一帶之賊全聚於此尙  
思逞其螳臂臣等於廿九日夜分兵攻打乘勢擊  
柵二座至三十日夜又派普爾普瑚尼爾圖保寧  
官達色烏爾納等分兵五隊攻搶勒烏圍轉經樓及  
各寨落木城又派福康安烏什哈達等分兵兩隊

自北而南合攻勒烏圍並派兵由第四層礮上乘  
各處攻打緊急之時拏柵前進查第四層礮上相  
距第五層礮沿不過十餘丈若從官兵所駐柵內  
刨挖地道斜下亦可突出第五層礮上捨拏柵卡  
佔斷賊人往來之路因於八月初一日夜卽派普  
爾普烏什哈達等督率官兵並另派兵分打各礮  
房寨落以混賊人耳目初一初二兩夜官兵已得  
兩道地穴挖進數丈有餘將斜出第五層礮上臣  
等復派各領隊鎮將帶兵七隊於初三日夜分攻  
各礮寨官兵漸次挖進不無稍有聲息賊人知覺

亦從旁挖掘地穴相拒因乘夜又拏木柵三座直  
至第五層礮沿之下

臣

等思福康安烏什哈達等

所駐之地在勒烏圍西北若從伊等前此所拏木

柵沿河灘接拏前進一過勒烏圍官寨繞而東南

與我兵刨挖地道之處相對則礮上礮下皆有官

兵圍逼不但賊人水路既斷卽陸路更難竄逸當

又砍運木植於初五日派令普爾普分段拏柵福

康安那木扎等帶兵剿殺來援之賊至初六日黎

明共拏木柵二十六座已與勒烏圍官寨東西平

對是夜又接拏前進而轉經樓一帶賊人見勢危

迫攢集二三百人悉力衝突侍衛薩爾吉岱穆哈  
納等帶領埋伏預備之兵直前衝殺烏什哈達亦  
卽帶兵合擊殲斃甚多官兵又隨時拏起二十餘  
柵初七日夜復接拏十三柵賊番兩次衝擾均被  
我兵擊退與所創地道之處相對不過一箭之地  
不但賊人白日不能行走卽夜間偷越亦屬甚難  
查前次以地勢所限我兵圍困賊巢雖已逼近而  
沿河正西一面旣未能斷其水路正南轉經樓一  
面又但及第四層礮而止故賊尙恃爲有路可逃  
今臣等沿灘所拏木柵向南已過勒烏圍官寨復

折而向東距第四層礮上木柵已彼此鎗箭可及  
卽此相距之地再行接拏木柵刨挖深濠賊雖悉  
力死鬪然從此合圍使無一賊得脫亦足以稍快  
人心

公又偕豐昇額奏言查甲雜官寨係在河西居嚙  
拉依勒烏圍之中臣等現從西路進攻須俟攻克  
科布曲後向南再攻過數道山腿下至沿河過渡  
始可至其地以河西形勢而論自甲索而下爲扎  
烏古又南爲阿爾古又南至來達木又東南斜下  
始爲甲雜中間相隔更遠此時實無可以繞往甲

雜擒拏逆酋之路至甲爾日磔橋一處原係勒烏  
圍噶拉依往來要路勒烏圍賊眾竄回必由於此  
一佔此橋自難存任但此橋在科布曲山腿之下  
欲佔是橋必先佔此山腿是以前此臣等一面攻  
打勒烏圍一面卽議佔據此處以扼賊人歸路但  
此山腿上賊人卡棚緊密守禦甚嚴而山形險仄  
陡峭又難攀援而上故雖經海蘭察額森特帶兵  
蹈水過河攻而未克今自勒烏圍轉經樓賊人皆  
有木城石卡層層聯絡而甲爾日磔橋又處轉經  
樓及科布曲山腿中間且對河阿爾古之賊鎗礮



亦皆可及實係四面受敵之所官兵不但難以往  
攻卽使冒險前往佔奪仍難據守是以於勒烏圍  
轉經樓中間爲拏寨橫截之計指日大兵一克勒  
烏圍則轉經樓之勢已孤賊人自不能再守而甲  
爾日礮橋亦必不攻自潰至科布曲山腿俟攻克  
勒烏圍時抽出官兵由章噶及達思爾寨等處覓  
間下溝繞登科布曲山梁之上庶可壓取均奏入  
諭曰阿桂等奏連夜分攻各礮寨沿河接拏木柵已與勒  
烏圍東西平對如此兩面合圍賊衆斷難支禦諒可立  
時攻克乃賊人猶復悉衆死守固屬護巢力拒亦由其

罪孽深重必待盡殲而後已至旣得勒烏圍則轉經樓  
之賊自難存住卽甲爾日礮橋亦當自潰其科布曲賊  
寨據脫出番人供稱莎羅奔弟兄三人現俱在彼自卽  
應乘勝攻克悉行擒獲從此進攻更不慮後路有賊滋  
擾至於索諾木現任甲雜阿桂進攻時自當分兵兩路  
一由雍中喇嘛寺攻打噶拉依擣其巢穴一派兵徑赴  
甲雜官寨擒其逆酋方爲妥協

恭錄

御製詩

入崖口

源溯伊遜

平聲

那藉航野橋渡騎安而康雙峯畫意興詩思

八月今時卽昔尤例試小圍平甸合

用三四百人於平甸列小圍國語謂之阿

達密每入崖

仍驅吉駿六鈞良一虜一箭無多獲

進崖口

卽行之

是日祇射一應適接軍書便賜將

駐行營後適阿桂等奏至現已合圍勒烏圍指日可

箭卽中一應

克旣批答諭示卽以所射之虜分賜阿桂豐昇額明亮俾均愷惠且因初圍獲雋爲成功獲醜之兆

二十四日

公偕豐昇額海蘭察額森特奏言勒烏圍礪寨高  
堅其南爲轉經樓又過甲爾日礪橋而南爲科布  
曲山腿與官寨互爲犄角卡寨鱗櫛聯絡接應前  
阻大河後負高礪對河扎烏古阿爾古一帶之鎗

礮旣能隔山救援而其後高礮層層均有卡柵礮  
座備禦甚嚴臣等自歷至勒烏圍之上分兵攻繞  
用大礮轟摧并拏柵橫截而下以斷其後路並令  
冷角寺一帶官兵由西北合轟官寨沿河向南拏  
柵以截賊人水路但賊番合力抗拒鎗礮倍爲緊  
密且高礮陡峭兵力難施因又令官兵砍伐樹枝  
作爲柴捆攜牌并將口袋裝盛沙土令官兵匍匐  
地上頭頂柴捆土袋以手推轉而行一至礮沿層  
層堆起趕運木植連起三層高柵以擊礮下之賊  
並於地道中運往礮位轟擊從礮下挖溝抗拒之

賊共計高礮八層均被官軍連日逐步搶佔僅餘高礮一層小礮三層節次攻奪礮卡又殲賊無數至甲爾日礮橋臣等排列大礮轟摧漸多塌卸復於楚兵內募得善於泅水者令其潛由水底縛巨索於橋柱之上合力扯拽是橋亦經坍塌自佔據第八層高礮而下復卽令額爾特岱森保等督率官兵一面刨地道以便接拏木柵但查自勒烏圍至轉經樓固皆卡柵層接而第三層小礮下賊人必益驚惶無措因於十五日申刻派兵先爲埋伏預備攻搶勒烏圍而臣海蘭察同額爾特等從礮

而下攻其近南木城烏什哈達等從河灘而上攻其近北木城維時轉經樓等處之賊攢集二百餘人前來拚死救援官兵奮迅迎擊殲戮過半而爲滿洲索倫兵弓箭所斃者最多額爾特等隨乘勢又擊木柵二座已至所餘高礮一層之上是夜亥刻額爾特烏什哈達等復夾攻近北木城先行攻克其預備攻打勒烏圍官寨之兵臣海蘭察率同那木扎格勒爾德自官寨東南進攻普爾普泰斐英阿自南進攻福康安特成額明仁自西北進攻而五岱攻其東北臣豐昇額帶兵爲各處策應額

爾特岱森保於攻得木城之後又併力前往攻打官兵四面合攻呼聲動地於十六日子刻將勒烏圍官寨攻克額爾特特成額福康安等卽分兵佔據而瑚尼爾圖亦已將末層礮上石礮攻獲其時轉經樓一處保寧官達色彰靄帶兵攻打一併克獲其逸出之賊我兵緊隨追殺直至甲爾日磔橋賊人不及過橋浮水竄逸又因連夜大雨勒烏溝山水漲發賊人淹斃旣多而官兵鎗箭從後擊射得脫者無幾隨於甲爾日磔橋豎立營棚佔據此次除攻克勒烏圍官寨轉經樓喇嘛寺外其餘所

克礪房寨落木城石卡共六十餘座殺賊數百人  
查勒烏圍係賊人根本老官寨悉力死守歷時三  
旬實已不遺餘力今仰賴

皇上天威凡賊人所恃以抗拒之處一夕無不摧破遂得  
先掃其舊巢現在賊人心膽益寒臣等亟將兵力  
稍爲整頓提兵直搗噶拉依以爲迅速蕝功之局

奏入

諭曰據定西將軍阿桂等馳奏紅旗報捷於八月十六日  
已攻得勒烏圍賊巢此實係仰賴

上天眷佑成功迅速而將軍參贊實心宣力調度得宜將



領弁兵各奮勇集事均屬可嘉所有將軍阿桂副將軍  
豐昇額參贊大臣海蘭察額森特及在事將弁等著交  
部從優議叙其出力之滿漢官兵屯土兵練俱各賞給  
一月錢糧以示獎勵

諭曰官兵攻克勒烏圍已降旨將將軍等從優議叙並遣  
阿彌達賚紅寶石帽頂至軍營賞給阿桂以示優眷俾  
益奮迅集勲

恭錄

御製詩

將軍阿桂奏克勒烏圍賊巢紅旗報捷喜成七言十

首以當凱歌

廿四中秋夜丑時木蘭營裏透紅旗本來不寐問軍報孰謂今宵宛見之

七千里外路迢遙向十餘朝茲八朝

向來六百里加緊軍報俱以十一二日透

到茲軍營八月十六日所發紅旗於二十四日丑時已達木蘭行在途中僅行八日可識衆心同一

志嘉哉行賞自宜昭

以馳遞紅旗迅捷諭將賞旗員弁查明行賞其沿途驛站官員兵役交部

分別議賞議叙

賊巢最是勒烏圍甲雜小連噶喇依

勒烏圍爲促浸最要賊巢今已攻克則索

諾木現居之甲襍小寨及其噶喇依狹窩官軍自可乘勝席卷掃穴擒渠行見紅旗壘至破竹勢成應

不日速傳捷信願無違

行營半夜那來喧却是紅旗到叙門叙門即和門周禮夏

和立兩推以為之叙和出用次第出和五載勤勞同上下

門云云今符營推門之制約略相同

天恩

紅燈一點引紅旗頃刻行營人盡知舊部新藩同賀喜古

來報捷可如斯

成言原有付兒行一見紅旗即

奏將啟蹕幸木蘭時令皇六子奉皇太后后駉蹕山

母雖是

慈心早知喜更馳侍衛報山莊音仍遣皇太后后雖已聞捷

奏書馳詣  
山莊賀喜

一破賊巢飛騎馳未遑詳悉盡陳之

阿桂等一得勒烏圍  
卽發紅旗未能具摺

同奏故尙未

將軍宣力應優賜先示端倪加勉宜

紅旗至  
降旨將

知其詳悉也將軍參贊及將領等交部優叙

兵丁各賞月銀而將軍阿  
桂宣力獨至奏績庸必賞予以公爵優其章服先賜以

紅寶石帽頂命其子侍衛阿彌  
達馳賚以徃俾益迅速集勲

前次受降惟戢斧今番報捷乃犁庭

前次征勦金川莎羅  
奔即卡窘迫乞命遂

允所請受降嚴事未十年即卡

已侵擾隣境土司即卡既  
死其子索諾木等與小金川僧格桑狼狽爲奸意欲蠶食

各土司甚至黨惡負恩抗于天討因深悔前次之姑息養  
奸此次厚集兵力搗穴擒渠掃平賊境庶可永除後患自

爲正  
敬承

天眷能無慰未至武成心未寧

宵衣

去聲

惟吾理合然喜而不寐那能眠乃知展齒事誠有

較彼殊猶高下懸

三捷眇來一月間此時軍務正相關執渠掃穴歌耆定佇

待郊臺奏凱還

將軍等凱還時擬至良鄉行郊勞禮已讖茸郊臺以待矣

是日晚阿桂奏摺至知攻克勒烏圍詳悉詩以誌事

勒烏圍賊舊官寨

凡土司所居者番人謂之官寨

垣固礮高不易攻石礮

木城接鱗次水臨山背據蠶叢

阿桂奏勒烏圍礮高蟠固其南爲轉經樓又過甲爾

日礮橋而南爲科布曲山脚與勒烏圍官寨互爲犄角餘礮俱可相及其間寨落木城石卡又有鱗次櫛比聯結接

應前阻大河後負高礮對河扎烏古阿爾古一帶鎗礮既

能隔水救援而其後高礮層層每層丈餘至數丈不等礮

上俱有卡棚礮座備禦甚嚴且自轉經樓至科布曲陸路既

既可通行而皮船過渡往來亦甚便易是以各處敗回賊

入其嚙喇依一帶番衆計窮百變同據蓋志合三軍共建

全聚於此全力抗拒

功官兵壓至勒烏圍之上分兵攻繞既用大礮轟摧復用

攻搶佔據一面牽柵橫截以斷其後路並令冷角寺一帶

官兵由西北合轟沿河而南擊柵以斷賊人下水之路又

以高礮陡削兵力難施令官兵頭戴柴捆攔牌手推沙囊

匍匐而行至礮沿層層堆起趕列三層高棚以擊礮下之

賊並於所挖地道中用礮轟擊礮下掘溝抗拒以擊礮下之

為賊人要路因排大礮轟摧漸塌復於楚兵內募善泗水

者潛於水底縛巨索於橋柱之上合力拉拽搗塌因於入

月十五日申刻分派官兵先為埋伏以備攻搶勒烏圍令

海蘭察額森特攻其近南木城賊人鎗石抵拒甚緊轉經

樓等處之賊復來救援官兵迎擊殲戮過半而為滿洲索

倫兵弓箭所斃甚多復於亥刻令額爾特烏什哈達等攻

近北木城官兵拔柵勇進出其不意即時攻克海蘭察率

同那木扎格勒爾德自官寨東南進攻普爾普泰斐英阿

自南進攻福康安特成額明仁從西北進攻而五岱攻其

東北豐昇額帶兵為各處策應維時四面合攻呼聲動地

拋擲火彈如流星閃電官兵各攀援上登賊人始猶支拒  
及見我兵蜂擁齊入膽落欲逃被我兵殲戮更復不少遂  
於十六日子刻將勒烏圍官寨攻克瑚尼爾圍亦將未層  
礮上石礮攻獲並同烏什哈達將竄回之賊追擊殲戮而  
轉經樓亦經保寧官達色彰靄帶兵攻打四面飛騰而上  
至丑刻一併克獲官兵追擊逸賊至甲爾日礮橋賊因橋  
斷浮水竄逸值雨後水漲賊眾淹斃甚多復爲官兵擊射  
得脫者無幾此次計攻克勒烏圍官寨及轉經樓喇嘛寺  
並攻得其旁礮房寨落木城石卡六十餘座凡賊所持以  
抗拒之處一夕無不摧破殺賊數百人奪獲鎗礮刀矛等  
物無算遂掃其舊巢擬乘賊人上下心膽俱寒提兵直  
搗噶喇依爲迅速藏功之局此皆阿桂露布馳奏語也優

叙先行循令典藏庸封爵待恩崇

恭錄

御製文

平定金川勒銘勒烏圍之碑

美諾既克移問促浸狼狽爲好而更謀深劫木果木自辰冬

攻克美諾逆首僧格桑竄去索諾木匿而不獻於是移兵

申討促浸時溫福爲將軍由功噶爾拉進剿阿桂爲參贊

大臣由當噶爾拉進剿溫福旋攻據昔嶺遂駐木果木師

久不得進溫福糾於謀以營中所有之兵築卡布守既耗

兵力且以分而見少癸巳夏賊酋窺其無能乃逞狡謀令

賊目糾衆自美卧溝及大板昭潛出號召僨拉降賊復叛

擾木果木後路溫福漫無部署軍營爲賊所劫緣營怯兵

一時俱潰溫福被害其餘大臣弁員兵丁陣亡者甚多我

朝用兵從無如此挫其恨至今將士何辜弗雪寃沉兵威

折者思之實堪切齒

大震勁旅繼至師分兩路谷噶馬尼去聲木果木之失

爲之表率亦由溫福等奏阻故已派而未遣及溫福既僨

事知緣營兵之終不足恃乃派健銳火器營兵二千吉林

兵二千索倫黑龍江兵二千並派西安荆州駐防滿兵四

千前往以爲之倡又添派陝甘漢黑兩湖精銳數萬合力

大舉以阿桂爲定西將軍豐昇額明亮爲副將軍阿桂遂

統八旗勁旅閱五晝夜而恢復僨拉全境乃進攻促浸甲



午正月阿桂自西路攻克馬尼此爲再進克捷之路軍聲  
餘里明亮亦自南路進攻馬尼此爲再進克捷之路軍聲  
大上下同心據忠敵愾西路遂進南路略泥去聲勒烏  
振上同依從南路進攻阿桂自攻得谷噶丫口遂能扼要  
攻嚙拉依從南路進攻阿桂自攻得谷噶丫口遂能扼要  
所進據皆其險隘明亮等既得馬尼雖時有小捷然庚額  
特馬爾邦俱未易攻進於丫口深入爰克羅博阿桂自  
是遂專望西路之得手矣  
博羅瓦爲賊人緊要門戶因派兵五路分將領平之喇穆  
超越而登遂將羅博瓦山峯及山岡弼卡盡行攻克  
喇穆併與默格叶阿桂自三月初三日問攻得羅博瓦四雨數  
又於六月下旬盡克喇穆喇穆山梁及日則丫口七月  
又克其該布達什諾大木城并焚燒格魯瓦角落十月  
復佔其默格爾山梁其地在日爾巴當噶之下榮噶爾博  
之上向閱地圖指以咨詢阿桂而所籌適相合既佔此山  
梁遂克密拉噶拉木大寨並克獲  
凱立葉各寨我兵勢益聯絡矣  
阿桂自十月十二日官兵乃攻克薩爾山梁其險倍於他  
乙未正月十二日官兵乃攻克薩爾山梁其險倍於他

慮賊之守禦亦更堅而官軍於三月內全得之其後復因  
雨雪頻兵三月至四月初十日天霽雪消十四日中夜官  
兵潛進攻奪木思克丫口阿桂自謂遜克爾宗其險難託  
一日而收三年未竟之功洵不妄也  
遜克爾宗為勒烏圍賊巢外險自前歲四月間攻之經年  
未克阿桂自得木思工噶丫口之後於五月初攻克噶爾  
丹喇嘛寺及噶朗噶又捨佔舍圖卡已居高得勢而雷  
遜克爾宗在後究屬非計乃於五月十二日派兵前往時  
霧氣四塞官軍乘勢攀越崖礪直至礪根遂將其地上下  
石礪木城悉行攻克是役也豐昇額之力居多因於其公  
號果毅下增繼勇二字嘉其凡此數處林立堅礪層次攻  
能紹乃祖額宜都之績也

勦我師實勞據昆色爾乃近賊巢北軍亦至隔河匪遙月七

初二官軍乘夜潛進直上昆色爾山梁蟻附登礪立時攻  
克初四日夜官軍縱火焚賊寨至拉枯喇嘛寺飛騰而入  
又得喇嘛科爾三寨並攻克苗則大海竭三日三夜之力  
佔地縱橫三四十里焚其礪寨一百三十餘先是明亮在  
南路以其株守無益令移兵北路會勦爾至宜喜即得達  
爾圍山梁至是復由茹寨攻進連克額爾替石真噶等寨

阿桂軍營僅一河之隔矣

曰勒烏圍賊舊官寨垣固礮

高力守要害經樓輔車陡礮畫界木卡石城蠶簇鱗繪擊

柵周遭援路截其泗水拽橋囊土濟師勒烏圍為賊舊巢

拒甚力且有轉經樓相犄角中間礮卡鱗次又阻以高礮

五層殊不易攻阿桂於勒烏圍轉經樓之中率柵以截賊

人援路並令冷角寺一帶官兵由西北而南沿河擊柵以

礮其下水之路又募楚兵善泗水者繫巨索於甲爾日礮

橋柱以拽圮云又以礮邊賊人鎗石可及乃令官軍頭戴

柴捆手推土囊匍匐而行至礮沿層積堆起趕立三層木

柵以擊礮穴道旁出轟以地雷凡此百計用盡無遺

所掘地道中用礮轟擊礮下掘溝抗拒賊眾凡可四面礮

攻礮摧垣裂遂督大軍破牆衝闕遊魂弗支奔迸蹙躡功

成一夕中秋八月

官軍四面合圍礮轟鎗擊並拋擲火礮

躍而登呼聲四起賊眾披靡殲戮殆盡惟莎羅奔兄弟及  
賊目丹巴沃雜爾聞風先竄究亦難逃天網計亥子丑  
三時將勒烏圍官寨轉經樓喇嘛寺悉行攻克凡賊所  
恃以抗拒之處一文無不摧破時乙未八月十五夜也眾  
軍之力一帥之謀靖彼賊穴安我蜀陬肫乎厥忠卓乎厥  
猷銘誌鴻功永樂千秋

二十八日

諭曰現在阿桂督兵進剿噶拉依掃穴犁巢固屬要事而  
於擒捕逆會賊黨尤爲先務據各路脫出番人供詞賊  
眾慌亂情狀大概可知今官兵旣得勒烏圍番寨自更  
魂飛膽喪或莎羅奔弟兄將索諾木縛獻亦未可定否  
則搗取賊巢時務須設法截擒逆會及其弟兄賊目并

助惡喇嘛勿使漏網亦勿令自戕若擒得索諾木一面  
飛遞紅旗一面將各要犯檻車拘繫選派健銳營兵令  
福康安帶領嚴加管押沿途仍多撥弁兵護送先行解  
京獻俘以彰鉅典至善後事宜亦屬豫爲籌及一俟官  
兵掃平金川卽應於兩金川之地酌安綠營設官駐守  
如噶拉依勒烏圍美諾三處擇其最要者設立總兵次  
則令副將駐之其餘自章谷至巴朗拉一帶酌量形勢  
輕重分設叅遊都守駐之令官兵營制聯絡橫隔於衆  
土司之中方可謂之一勞永逸至駐兵必先籌糧餉現  
在運往各路軍糧頗多大兵凱旋時各處自多有餘存

米石應量其道里相近處所陸續運赴各營建倉存貯  
備用但現在所有餘糧止可爲初立營制之需將來經  
久恆規自當以屯田爲妥兩金川地面可耕之土甚多  
而綠營兵衆屯種又其所習今新疆各處耕屯俱已收  
實效阿桂向爲伊犁將軍屯政乃所深悉將來金川營  
務自當酌仿而行至成都滿兵必須移駐打箭爐該處  
控制諸番遠撫西藏實爲扼要之地並須添設將軍鎮  
守聲勢方爲尊重所有移駐滿兵或卽仍將成都現數  
或須添撥若干並著阿桂妥計行之其所需糧餉由內  
地運往諒亦不甚費力或兼用新營屯種有餘之米亦

令阿桂一併籌辦又打箭爐移駐滿營添設將軍一應  
廨宇兵房倉庫均須建蓋或現在城內可以安營或須  
另築新城並著阿桂與文綬咨商悉心籌畫務在工程  
堅固規模宏整方足以壯觀瞻不可存惜費之見其金  
川新設綠營或卽任彼官寨散礮則所省實多亦一體  
辦理至於土司經此番輯靖之後務須使之懷德懾威  
上下維繫所有各土司應令將軍總督一體管轄在內  
則屬之理藩院方爲妥協以上應辦事宜並著阿桂於  
稍暇時札知文綬商同詳定章程具奏至阿桂於掃穴  
擒渠之後卽應振旅還朝以待酬庸策勲舉行郊勞凱

宴諸大典其應先帶京兵若干及副將軍參贊領隊諸人作何分起行走之處均須豫爲酌定並須酌帶土司數人來朝令其瞻仰天朝禮法承受恩典將來卽照新疆年班之例輪流入覲除巴旺梭磨現係土婦不便輪班外此次著先帶綽斯甲布土司雍中旺爾結布拉克底土司阿多鄂克什土司雅滿泰隨同來京事畢再令回巢伊等共相傳播久之必以入覲受恩爲榮亦如準部回部之永承恩澤矣

九月初四日

公偕豐昇額海蘭察額森特奏言科布曲一帶賊



人礪卡聯絡山形陡削必當繞道進攻佔住科布  
曲山頂並相機直佔噶拉依上游始爲事半功倍  
探得從昆色爾下山踰溝向南復上山梁其稍東  
山腿爲噶拉字寨上爲莫魯古賊卡又稍西山腿  
爲達思里寨若派兵兩隊分攻仍一面攻取莫魯  
古卡則已出科思果木卡布角之上此三處不難  
分兵壓取又從莫魯古丫口下溝兩路分攻西里  
寨卽下山踰勒烏大溝上搶則朗噶克丫口又已  
繞出科布曲山梁之上自可不攻而潰再從則朗  
噶克進據瑪爾古當噶則舍齊噶拉依卽在此條

大山腿之下居高下壓攻打更爲得勢而昔嶺木  
果木勒烏寨等處皆被官兵橫截於外賊已據守  
無益是以臣等於攻克勒烏圍後迅速部署十九  
日夜臣海蘭察帶領各起官兵均已齊集昆色爾  
一帶山坳使賊無從望見現在秋霖屢降若得暢  
晴卽於二十四五日間臣海蘭察同各領隊帶兵  
進攻臣阿桂臣豐昇額亦卽前往章噶一帶就近  
調度接應查自科布曲山腿而上其巴拉角舍齊  
等處原係噶拉依往來正路但賊旣於科布曲踞  
守嚴密從此節節力攻不無有稽時日而賊亦得

逐步退守是以爲此繞截之計至臣額森特尙不能上馬遠行現在卽於轉經樓之前科布曲之下駐扎攻打以牽賊勢如賊人見大兵繞進稍有抽撤情形亦卽努力攻奪

公偕豐昇額奏言本月十九日明亮過河東來至西路大營與臣等將籌辦進攻之處面同商酌並將摺稿送閱據稱現在西路官兵已攻破勒烏圍若暫調數千將扎烏古山梁幫同搶奪據住要隘彼時西路往幫之兵仍可撤回河東以資進剿等語查明亮所言未始非河西辦理之一法但此時

勒烏圍已破自當直指噶拉依徑擣其腹心則其餘枝節自解又爲全局遲速攸關此時臣等卽派兵前赴河西併力搶得扎烏古山梁仍須過河而東以籌前進於掃除噶拉依之局轉爲紆緩若從達思里等處繞進則不但科布曲賊人勢可不攻自潰而一經搶佔瑪爾古當噶則前至噶拉依賊巢亦勢等建旣且與河西阿爾古扎烏古一帶隔河越嶺道路迢遙賊人死亡日多斷不能處處堅守河西亦必有機可乘臣前此攻打勒烏圍時察看各處形勢已豫籌此進繞之計所有道路上下

曲折情形均已屢次踴探明確是以十六日克獲  
勒烏圍十七日晚官兵等卽陸續起發十九日已  
全抵昆色爾一帶齊集分頭並進初非以成局已  
定不肯更改因與明亮約定臣等進兵達思里之  
次日明亮處亦派兵由彼並舉諒賊人以大兵直  
指噶拉依必聚其力量分頭堵禦爲護巢之計明  
亮處設法進攻或亦較易爲力况河東一佔科布  
曲山梁則扎烏古阿爾古一帶賊人死守無益亦  
必能尅日掃除均奏入

諭曰阿桂等奏通籌直搗噶拉依賊巢一摺該處進兵路

徑阿桂躡探已久自係成竹在胸實有把握方如此籌辦且自十七日晚官兵已陸續起程至昆色爾而海蘭察同各領隊現據奮迅進攻可望得手自應聽照所擬妥速勦辦阿桂現既併力直搗賊巢自不能復有多兵派幫明亮且阿桂如卽能攻得噶拉依則其餘各處碉卡賊衆斷難再拒必皆自行潰解况阿桂節次所籌俱有成效今大功已屆垂成更惟阿桂是恃一切悉聽其調度第阿桂等統兵進攻以後恐扎烏古等處賊人潛至勒烏圍撓我兵後路其事甚有關係阿桂現派額森特在轉經樓前科布曲山腿之下駐扎攻打以牽賊勢

額森特雖尙未能上馬遠涉而防守是其所長著阿桂  
卽札知該參贊令其在勒烏圍一帶小心看守勿使隔  
岸之賊得乘隙過河滋擾或至稍有疎虞

十一日

公偕豐昇額海蘭察額森特奏言自八月初旬以  
來陰雨連綿臣等前此沿灘拏柵繞截賊寨之處  
地勢本爲窪下彼時雨後水漲一二次柵內均已  
漾入數寸官兵恪遵軍令皆鋪墊木植板片存站  
毫無動移而水勢亦漸長漸消是以並無妨碍今  
自攻得勒烏圍以後臣等令官兵酌畱數柵駐守

以防賊人溯流滋擾乃近日雨水較爲綿密水勢日逐增加臣等令沿灘木柵移往高處計與沿河前此舊柵已隔一箭之地高有數丈而二十四五日河水又陡然漲發續經移駐之柵皆過水數尺直移至附近寨牆之處始不能漾入此水若暴漲於數日以前沿灘木柵必至被衝斷難存任即使並無傷損而當攻圍緊要之時驟將官兵撤出亦屬不成事體今直至已克勒烏圍然後漲發益由聖王洪福如天百靈呵佑以至於此臣等業已潔牲虔祭以答神庥奏入



諭曰阿桂等奏官兵攻得勒烏圍移營高處河水陡漲數丈若漲在數日以前則沿灘木柵必致被衝等語實仰賴

上蒼嘉佑惟當額手敬謝卽此

天心助順可徵成功之速

公又偕豐昇額奏言臣等於六月間欽奉

上諭嚴飭郭羅克等因當經分繕檄諭曉示各土司嗣據附近各土司陸續稟覆均稱遵奉檄諭業已派兵嚴加防範總不使金川得有一人逸出其三郭羅克地方茲亦出結具稟前來臣等逐一譯出據上

郭羅克土百戶丹明稟稱我們地方離金川甚遠  
斷不能逃到此地若是逃來自必立時拏住送到  
將軍跟前等語據中郭羅克土千戶麻克蘇爾袞  
布稟稱金川土司頭人若是逃來我卽帶領土兵  
進截務必拏送就是叫我們出兵攻勦也是情願  
等語其下郭羅克土百戶澤旺羅丹所稟亦同並  
有現在安分納糧住牧白日不敢放夾壩夜間不  
敢作賊之語是郭羅克等接看檄諭嚴切各有畏  
懼之意已屬情見乎詞奏入

上嘉之

十七日

公偕豐昇額海蘭察額森特奏言查官兵屯駐之地雖在昆色爾山坳爲賊探望所不及但以陰雨稽遲爲時稍久不能不畧有知覺臣等不時令趨捷官兵潛往達思里噶拉宇一帶哨望情形並於雲霧偶開之時親自查看見達思里噶拉宇各山腿凡官兵可進之路賊已於扼要地方增修礮卡從此進攻未免多煩兵力臣等復詳加躡探查從什爾德山梁之南過溝而上爲達烏達圍再上爲安布魯木從安布魯木順梁而下卽至聶烏過勒

烏溝而上正對則弱噶布克緊要丫口又分兵一隊攻打色木里喇嘛寺卽由色木里下壓西里一克此處則如達思里噶拉字以及托古魯等皆已攔截在內其賊人新增礮卡皆已無用卽或暫爲死守分兵下壓亦不難於攻取從此過溝卽可攻佔則朗噶克丫口以截科布曲賊人之後而噶拉依一帶賊人更爲震動雖此一路亦多礮寨且由此繞進較之由達思里噶拉字進攻道途更爲險遠但現在賊人不過聚其力量攢守一處自不能再於此山梁礮卡處處多人嚴守况以此一帶形

勢而論大約自什爾德山至勒烏溝爲一節自勒烏溝至則朗噶克爲一節自則朗噶克至瑪爾古克當噶爲一節官兵越過勒烏溝而上則朗噶克已得其險隘兩處如仰仗

天威直佔瑪爾古克當噶則距舍齊甚近竟與已至噶拉依無異現在天色自初四日午後漸次開朗擬即日發兵務期佔據地方迅速采入

公又偕豐昇額奏言查甲雜官寨本在河西居勒烏圍噶拉依中間勒烏圍雖克而欲從河東前進則科布曲山梁賊人正在死守欲從河西前進則

扎烏古阿爾古等處明亮處又俱未克此時實無  
可以乘間進攻突往圍截之路若仍從沿河兩岸  
迎面進攻距甲雜官寨尙隔數道山梁山溝又各  
有礮寨卽逐步攻至其處已不免多稽時日而甲  
雜係小官寨本在崖礮之下攻打亦多費手况逆  
酋弟兄最爲怯懦據投出番人稱索諾木先在納  
木迪寨自督率賊番堵禦北路官兵嗣因基木斯  
丹當噶官兵用礮連轟遂已棄納木迪官寨而去  
而西路官兵一至勒烏圍之上莎羅奔等亦旋退  
至科布曲山梁卽其明驗就使官兵攻近甲雜而

後路未斷賊酋等又必逃往獨松等處卽如莎羅  
奔等現在科布曲山上臣等未嘗不思先行擒捕  
而後路未斷官兵卽能攻上山腿又必先已遠颺  
自非毫無退步愈逼愈近斷不肯坐受圍攻况以  
西北兩路兵力計之明亮處本年添兵時原應有  
滿漢屯土兵二萬五千人而臣等西路內滿漢屯  
土各兵現雖共三萬二千而因自梭洛柏古以至  
勒烏圍大營及拉枯喇嘛寺一帶道路綿長近於  
後路營卡內極力抽出止得一萬二千人僅敷什  
爾德一帶分路進攻及爲接續之用今因陰雨阻

滯達思里一帶賊人又添礮卡踞得上有路徑可繞雖極險遠不得不爲出奇之計以圖亟爲采入若再抽兵他往不能爲繞截之用祇可迎面攻打逐步進取卽與河西現在情形無異不免幾同株守且使賊人復將此處收拾堅固則進埽噶拉依賊巢愈爲費手臣等密度此際情形實惟先搗噶拉依庶賊衆易於潰亂爲目下第一要著若兩巢並覆則其頭人番衆必彼此不能相顧全境可以計口而定賊酋等如腐鼠孤豚不難擒致但欲搗噶拉依惟從什爾德一帶繞進最爲可望若一抵



瑪爾古克當噶則已與甲雜寨隔河相對始能相機辦理均奏入

諭曰阿桂等奏覓路繞截進攻情形所籌甚好且擬稱初四午後天氣漸晴擬於今日發兵務期迅速佔據等語今節令已當九月向後自應晴爽阿桂等繞道進攻必能有益佇聽捷音再阿桂昨曾與明亮相酌令其俟河東進攻達思里時卽從碾占下壓今阿桂擬從達烏達圍一帶進攻又在達思里之北似不與碾占相對或阿桂處另行通知明亮相訂會辦亦未可定軍營之事移步換形難以遙爲揣度阿桂長於謀計於籌軍務機

宜无所諳悉明亮等惟聽其妥酌行之

公又偕豐昇額奏言查現在大兵擬直指噶拉依以搗其腹心賊卽死力拒守亦必不能久稽時日所有一切撤兵事宜自應先爲畱心部署惟是各路內健銳火器兩京營以及吉林索倫官兵據軍需局議稱此項官兵內卽令跟役步行照例折與馬匹銀兩而自成都至廣元縣神宣驛計程十六站每站應各安馬五十四匹以供官兵乘騎共應需馬八千餘匹實不能購辦除官員仍給馬匹乘騎外擬每站安夫一千多備竹兜抬送等語查川省

自軍興以來用馬較多自屬難於僱備但每站安設多夫既不能不多費民力况用夫抬送官兵亦有不合查自成都而至重慶沿途水路寬廣均係順流而下一過夔州下至襄陽更爲迅速自應令京兵及吉林索倫官兵乘船前抵襄陽起岸沿途既省用馬之繁而河南車輛最多一路應付回京更爲易辦至仰荷

聖恩大功告成舉行郊勞之典自應酌帶勁旅凱旋查乾隆二十五年將軍兆惠等帶官兵四百餘人分爲五起進京今亦應仿照辦理但此項官兵若亦由

水路行走恐難尅定日期應仍從川省北境徑由  
陝晉二省以至直隸在各項滿兵旣從水路行走  
由河南辦車送京則四川陝晉各省獨應付此四  
五百名官兵馬匹自屬易於備辦謹請

旨遵行奏入

上命軍機大臣速議具奏旋經大學士舒赫德等奏言此  
項隨將軍等凱旋回京官兵應如阿桂所奏照平  
定西陲之例以四百名爲率並擬酌分四起間二  
日行走令各省於滿漢各營及非通京大路各驛  
站內酌量抽調壯健馬八百匹如數解赴分站安

設以供官兵乘騎之用至跟役人等際此功成凱旋卽令其步行照例折給馬匹銀兩自所樂從其餘京兵及吉林索倫官兵非隨將軍凱旋者應如阿桂等所奏俱由水路坐船至河南直隸一路進京照例辦給車輛第此項兵丁由軍營至重慶未必有如許馬匹應付卽照例給與馬匹銀兩聽其步行再索倫吉林等處官員兵丁有打仗出力曾蒙

皇上賞給巴圖魯號及賞戴花翎者並令阿桂查明凱旋時帶同進京卽在四百名之內俾得一體恭與

盛典以示優獎

上從之

二十一日

公奏言酌籌兩金川善後各事宜一土司入覲宜次第舉行也查川省土職共有二百二十餘員其中宣慰安撫長官各土司以及千戶百戶品級大小不等而道里遠近亦屬懸殊難盡令其輪流入覲今遵

旨令最熟之明正鄂克什等各土司先行來京引

見受

恩次及稍疎之三雜谷等一體更番朝覲查布拉克底土  
司素患腿疾巴旺子幼未襲現係土婦管理均不  
能進京外其木坪瓦寺土司皆曾懇請赴京而明  
正土司習尙與內地無殊鄂克什土司感荷繼絕  
鴻仁更無不樂從恐後屆時令此各土司先行赴

闕其餘或有豔羨輸忱願行瞻仰者再定以年限班次  
使其輪流入覲一各土境事務宜欽遵添設將軍  
與督提同辦也川省督提所轄之文武到處營汛  
地方無非所屬耳目易於周察若將邊外土司僅  
屬之一副都統遇有搶奪查拏等事不過如青海

副都統一面具奏一面移交總督查辦並不能徹底清理今兩金川既設營駐守則附近土司亦應兼隸特改設將軍一員與總督同理番務不惟體制既尊卽經理地方更爲有益臣前署四川總督時曾議請添成都滿兵額數若滿兵添足三千而又改設將軍與總督會同控制聲威愈壯自更可彈壓諸番一打箭爐改設滿兵之處當另爲酌辦也查打箭爐地處極邊自爐城至雅州府之榮經縣其間四百餘里盡屬崇山峻嶺並不出產米穀所以僅設阜和營遊擊一員駐兵七百名而每年



所支兵米必須於三百餘里外清溪縣屬之漢源街購運至滿兵連家口每人所需口糧十分七分不等若移駐滿兵一千名加以官員家口已抵緣營兵七八千名查阜和營兵米價本貴而購運又遠每年每兵需米折銀十兩八錢而雅州以內兵米每年每兵僅折銀四兩六錢及四兩不等今若將滿兵移駐打箭爐是兵米一項已所費不貲而草豆折支亦復如是且恐不能如數購得况邊外西南北一帶土職甚多如移駐爐城僅能使口外各土司聲息相通其在西北松維一帶仍屬鞭長

不及若移駐松潘則距打箭爐以外亦復如之控制仍屬一偏伏思雅州地方尙屬富饒又與重慶水路可通薪米俱賤且雅州於西南北三路均非寬遠應於此酌設大員以成控馭之勢再成都省會之地本宜壯軍容以控全蜀但總督提督以及駐防滿兵同聚一城立制尙未盡善似應令將軍總督同駐省城而提督移駐雅州府遇有土司事件分駐員弁一面呈報將軍總督卽一面呈報提督如有咨商辦理之事文報來往甚爲近便一僭拉地方宜安設官兵以資彈壓也查僭拉形勢美

諾爲適中之地前可通噶拉依後卽接鄂克什其東北至於雜谷西南至於明正巴旺道里維均應於此駐設總兵或副將一員帶兵八百名以資統轄其底木達布朗郭宗酌設都司一員駐兵三百名大板昭駐兵二百名僧格宗設立遊擊一員駐兵三百名翁古爾壘駐兵二百名約咱駐兵二百名至章谷除舊有汛兵外添足兵一百名其別斯滿一處旣應改土爲屯該處與維州所屬之屯練境地相連卽於維州協兵內酌量派出安設小汛以通別斯滿直至底木達其自底木達西北至大

板昭喀爾薩爾所有中間應設小汛卽於擬設底木達大板昭兩處兵數內派出安設其自底木達至美諾自美諾而僧格宗翁古爾壘約咱以至章谷所有中間小汛亦卽於各處該兵內酌派備弁帶兵安設而自章谷至打箭爐中間大泡山一處應行駐兵擬於阜和營兵內撥出兵三十名在向陽之地安設一汛至從雅州木坪而鄂克什以抵美諾及從成都桃關卧龍關而抵美諾其中俱設小汛以通文報所需之兵亦卽從美諾官兵內撥出分設如此布置則由東北至維州西南至打箭

爐袤延千里之內官兵均已橫亘於各土司之中  
足成控制之勢惟是設兵必須籌食若從內地常  
川運供既無此辦法而附近之番境可耕之地甚  
少一年所種之麥稞收禾不足供番人一歲之需  
欲求經久之計非設屯不可但番寨所住之碉寨  
俱零星分布官兵不能散處謀耕計惟俟事竣後  
將應用之兵卽在現有隨征之川兵內照數暫留  
仿照自打箭爐至西藏之例分段安設並酌給牛  
具籽種就近開墾試辦一年如有成效卽須止給  
餉銀不必另籌兵食但川省幅員遼濶塘汎甚多

所有各鎮協營兵丁不宜過于抽撥應俟營制議定時如本省抽撥不敷或於江浙無事省分酌量裁減添補奏入

上命軍機大臣覆議旋經軍機大臣議言均應如所奏辦理惟向來駐防將軍皆不兼轄綠營今番地旣分佈鎮協特設將軍臨邊控制所有綠營將士若僅屬之提督統轄仍恐將軍呼應不靈尙無實濟應令將提鎮各標所轄綠營統聽將軍節制庶體制畫一遇事亦無隔礙矣應令將軍等遵照妥辦至成都舊駐滿兵設副都統一員控制全蜀今僱拉

促浸之地以次蕩平其餘土司仍令各就所分土境世守分職自應於沿邊扼要之地特設將軍移駐重兵以資控馭今阿桂以打箭爐地處邊遠不產米穀每年所籌兵糧較爲費力且於西北松維一帶亦鞭長不及控制仍屬一偏等語是打箭爐似不能移駐滿營據阿桂稱雅州府於西南北三路均非寫遠自應卽令新設之將軍駐劄雅州府則距打箭爐五百餘里聲息本易相通其自雅州出木坪鄂克什迤邐西北而至美諾約六百里較之成都由桃關以至美諾更爲捷近且卽從鄂克

什而別斯滿北抵維州雜谷腦亦止三四日之程  
文報往來均爲近便至將軍旣駐雅州則提督專  
轄綠營不便仍駐內地自應帶兵移駐美諾以控  
諸番且有將軍就近節制更爲得勢其打箭爐一  
處爲居中馭外之要區其原設之阜和營遊擊不  
足以資彈壓應請將泰寧協副將移駐爐城改爲  
阜和協其阜和營遊擊卽移駐華林坪改爲泰寧  
營於營制較爲相宜仍於勒烏圍添設總兵一員  
噶拉依添設副將一員以資鎮撫其餘險要處所  
並就地方形勢安立各營俾星羅碁布聯絡橫亘



於衆土司之中實爲一勞永逸應令阿桂於大功告成後會同新設將軍及該督提等再爲詳籌妥議務期永遠盡善又阿桂此奏祇就儋拉一處而計故議於美諾適中之地駐設總兵今促浸指日翦除自當合兩金川所有地勢通盤籌辦臣等現在遵

旨籌議令提督移駐美諾並於勒烏圍添駐總兵噶拉依添駐副將應

勅交將軍阿桂統俟攻克噶拉依後會同新設將軍及該督提等將兩金川地勢通籌熟計將如何分立營

汎添移衆將以下等官帶兵駐守之處逐一詳悉  
妥議繪圖貼說具奏到日再行核議至江浙地方  
均有沿江沿海緊要營分其腹地之兵恐不敷酌  
減抵數臣等酌議除廣東福建兩省營分大半係  
山海要區其雲貴湖南廣西四省營分亦地連苗  
疆均未便議裁外似應於江蘇安徽浙江江西湖  
北山東河南山西等省腹裏事簡營分內量其兵  
額之多寡酌減名額以符川省新添營汎兵數則  
每省各營所減無多尙不至於差操有誤奏入得

旨先行

二十三日

公偕豐昇額海蘭察額森特奏言查達思里噶拉宇一帶進兵之路因陰雨連旬賊已增修礮卡攻取不無費力臣等另議從達烏達圍繞進攻以現在賊情而論力量悉聚於達思里一帶其達烏達圍各處趁其防守尙未十分周密從此突然前進出其不意固可卽期得手且官兵一過當噶克底而至色木里則已出達思里噶拉宇之上此一帶賊人慌亂亦可乘機攻佔臣海蘭察帶領繞進之兵從達烏達圍深入攻壓臣豐昇額額森特率領

保寧成德仁和那木扎等於達思里噶拉字鄂羅  
布各處先爲舉動以綴賊勢並相機攻搶臣海蘭  
察卽將所帶之兵分爲七起令福康安普爾普烏  
什哈達瑚尼爾圖泰斐英阿格勒爾德額爾特帶  
領又令官達色常祿保五福等緊隨接應而派侍  
衛薩爾吉岱等爲前哨臣阿桂在擦烏曲一帶督  
率調度臣海蘭察隊內官兵均裹帶三日乾糧迅  
密前進此一帶山高崖陡本無路徑其間樹林深  
密泥滑亦未甚乾官兵俱攀藤附葛上下而初七  
日之晚陰雲四合風雨又復大作各官兵雖冒此

大雨稍歇復行毫無畏阻賊亦並無知覺至初八  
日子刻已抵達烏達圍其地有達沙果布一礮官  
兵乘其不覺立即奪獲及至天明其當噶克底各  
礮因有逸出賊人送信俱已豫備官兵轉乘雲霧  
四塞直抵礮根拔開護礮欄木倚立礮牆攀援附  
登賊人見大兵驟至放鎗拋石而我兵將露身之  
賊用鎗箭戳斃數人遂乘勢搶上礮頂砍開礮門  
將賊悉行殺死無一人得脫者即將當噶克底各  
礮佔據查臣等前次所以欲從安布魯木繞進者  
因恐當噶克底一時未能遽得因爲此遠繞抄截

之計今當噶克底已經攻克再將綽爾丹色木里  
兩處攻克兵至色木里賊人始亦放鎗抵拒及見  
我兵勢盛已近礮前紛紛從後竄出官兵追殺數  
人又將色木里喇嘛寺佔據其綽爾丹礮卡在峯  
巒突起之上賊人悉力拒守若必俟攻取後再行  
順梁下壓恐噶拉宇一帶之賊轉有備禦遂一面  
畱兵圍困一面卽督兵循梁下壓噶拉宇礮卡賊  
人見官兵將上截各礮卡層層鏖戰攻殺而下已  
無不驚魂喪膽及見官兵風捲而來分頭衝撲披  
靡奔散除殺戮之外其餘且戰且走俱逃向莫魯

古其各礮寨潰散賊眾均聚此一處固守莫魯古  
在山脊中間石包之上賊人修有夾層木城其夾  
城之內填以土石頗有可恃且料我兵連夜進行  
經日鏖戰不無疲乏尙思出柵抗拒各官兵乘此  
勝勢見賊人聚集正可多爲殲戮遂卽併力擊殺  
鎗箭齊施並衝入賊人隊內刀矛短接斃賊尤爲  
不少其負傷得脫者無幾時已昏黑卽令官兵拏  
卡佔據其綽爾丹之賊圍至戌亥之交風雨交作  
賊人趁此思欲突出我兵知覺除刀矛殺死外其  
餘亦皆滾落石崖至初九日早又派兵將莫魯古

右手山腿攻佔向南直壓至達思里寨此一帶寨落最多官兵所向克捷悉行放火焚燒其餘各寨之賊亦盡望風奔潰先是臣豐昇額額森特處亦分兵三路派成德等攻打甘都瓦爾礪保寧那木扎等攻打噶拉宇迤下德里雅克角礪寨仁和等攻打鄂羅木礪寨於初七日晚發兵初八日丑刻已至溝底因什爾德大溝正值山水怒漲奔流甚爲深廣督率勇銳官兵將豫備木植運往搭橋而此處賊人素有豫備施放鎗礮以拒我搭橋之兵官兵與賊隔河施放鎗礮對敵直至午刻賊人稍



退橋始搭成成德等帶兵過橋直上甘都瓦爾山  
腿賊人憑高下壓鎗石甚爲緊密官兵力戰而登  
賊人勢不能支意欲入礮拒守官兵緊隨殺入隨  
將甘都瓦爾礮寨攻克其保寧那木扎等從噶拉  
宇右首溝內進攻之兵因德里雅克角礮卡相連  
遂帶兵繞上先將大礮一座克取卽從山腿逐層  
往下攻壓所有礮寨亦全克獲是時仁和等帶兵  
將抵鄂羅木而鄂羅木賊人正從山腿前來欲爲  
德里雅克角各處援應官兵上前奮擊賊人踉蹌  
潰走仁和等乘勢攻上將鄂羅木各礮卡一併佔

據其各處竄下穿林匿箐之賊三隊官兵合力搜捕又殲斃三十餘人是時臣海蘭察之兵先至莫魯古噶拉宇之上臣額森特之兵已與上下接通此次從達烏達圍繞進之兵奪獲碉卡三十餘座寨落四十餘處平房一百餘間喇嘛寺一所其攻甘都瓦爾各處之兵奪獲碉卡二十七座寨落十六處計所獲刀矛鳥鎗等物甚多殺賊約二百名其巴拉角頭人克納阿庫魯亦經殲斃至此次連日打仗官兵內雲南守備胡思順陣亡委署護軍叅領秀林得有鎗傷餘俟查明同所有陣亡受傷

弁兵一併查明咨部奏入

諭曰阿桂等原欲攻達思里等寨因賊人知覺豫防須改從達烏達圍繞進今於繞進之時不但將改道擬攻之當噶克底一路盡行攻克並將原擬進攻之達思里噶拉字莫魯古一帶盡皆搶佔將軍參贊調度有方在事之將領弁兵等皆冒雨沖泥攀崖越險所向克捷甚屬可嘉所有阿桂豐昇額海蘭察額森特及奮勇之領隊大臣等各分別賞給荷包以示獎勵仍俟攻克噶拉依時一併交部優叙俾膺渥典至阿桂統兵攻剿噶拉依爲擣其腹心之計深得窾要現在督兵進攻自斷不容

復行抽撥往助明亮是以前諭阿桂令調常青所帶之兵但昔嶺一帶亦須有人牽綴卽常青之兵似亦不宜調動著阿桂妥酌行之至勒烏圍及甲爾日磔橋一帶甚爲緊要宜防扎烏古等處之賊過河滋擾所係匪細前據阿桂奏派額森特在彼駐守頗爲可恃閱此次奏摺額森特業已帶兵進剿則勒烏圍一帶現派何人代彼該處專防後路過河之賊其責甚重阿桂宜派選勇幹之人駐辦仍將派委緣由卽行奏聞

公又偕豐昇額奏言竊

臣接奉

上諭令臣阿桂凱旋時帶綽斯甲布布拉克底鄂克什明

正瓦寺五土司隨同來京查邊外土司若合習見

天朝禮法使之懷德畏威實足以潛消其桀驁但今土司  
內如瓦寺土司故後伊應襲之子年紀幼小尙未  
襲封現係伊叔桑朗遇春代爲辦事布拉克底土  
司阿多本係癩子令人背負而行自不能遠赴京  
師至番人有生身熟身之不同與蒙古無異卽如  
本年春間軍營三雜谷土兵內忽然多人出痘其  
頭目俱遣人送至遠處林箐崖洞中間生死聽其  
自然不與相見彼時卓克采土司加噶爾本從噶  
克土司納木扎爾適在營中因係未曾出痘之故

見土兵如此甚爲懼怕亟懇告假回巢是以臣阿桂奏明將來應合最熟之土司如明正鄂克什等先來引

見此後或有心生豔羨願輸忱瞻仰天顏者再行辦理奏入報

聞

二十九日

公偕豐昇額海蘭察額森特奏言臣等現在奮攻西里碉寨查此處寨落甚多官兵自達思里進攻其中溝壑深寬峯巒陡險加以林箐叢密均須穿

越而過道路本爲險惡但一得此處則下至勒烏溝更無阻礙是以臣等於十一日夜分兵三路進攻十二日黎明將上高峯突起之處賊人卽已前來迎敵我兵鎗箭齊發賊人踉蹌潰散官兵趕殺前進遂至高峯之上乘此銳氣卽擬順梁而下進攻西里礪寨詎此處箐林更爲深密而各處援應賊人接續而來四出衝突經臣海蘭察福康安普爾普親督官兵分頭迎敵並經官達色帶兵過溝夾攻殲斃甚多賊人勢不能支始行穿林竄逸其間樹木叢雜並無路徑官兵難以深入窮追而賊

人又於他處繞出或前或後伺隙衝突計自辰至未大小接戰十餘次所斃賊人不少伏思西里一處本爲勒烏溝科布曲一帶之屏蔽賊人力量既聚於此則科布曲山腿之上備禦不無稍疎突然攻搶或可望其得手臣額森特帶同特成額那木扎等從中路進攻而派五岱書麟彰靄等進攻山腿高處礮座又派富興等循山腿上攻但甲爾日礮橋業經坍塌毀應須搭橋而過當於十七日子刻派烏爾納等先將預備木植潛密趕搭浮橋因月光之下放哨賊人先已知覺用鎗下擊直至河邊



抵禦官兵一面對岸施放鎗礮一面隨搭隨渡將賊人擊敗搶至科布曲山腿之下乘勢攻克賊卡一座而各礮卡木柵內賊人放鎗滾石死力抵禦攻至天明各處賊人均來救援俱入礮卡之內合同死守一時未能卽克此次西里打仗殺賊二百餘人射死頭目一人奪獲鎗刀矛子甚多查西里山梁橫亘形勢較長從達思里踰溝而上固可直攻其礮寨而搶上安布魯木順梁而下更可繞截西里之內仍一面在科布曲山腿乘其不備相機攻奪以分其勢亦不難於辦理臣等現在踰明路

徑卽行進兵攻勦奏入

諭曰阿桂等奏進攻西里礪寨痛殲賊人並過溝攻打科布曲山腿將軍等董率將領弁兵奮勇出力均屬可嘉看來西里科布曲兩處爲賊人緊要險隘是以悉力堅拒今阿桂現踰路徑或從達思里逾溝上攻或搶上安布魯木順梁繞截仍一面在科布曲山腿相機攻奪如此多方布置賊衆自難處處堵禦可期迅速蕩事至朕所最慮念者以甲爾日磔橋爲通科布曲要路恐賊衆伺官兵進攻後過橋至勒烏圍滋擾所關非細已屢諭阿桂加意嚴防今據奏甲爾日磔橋業經圯毀此次往

攻科布曲山腿係潛搭浮橋而過且於對岸施放鎗礮擊賊所辦甚好甲爾日礮橋想卽係攻克勒烏圍時繫巨索於橋柱拽倒今橋雖拆斷仍防人泅水而來額森特現已回至勒烏圍豐昇額亦往該處督辦自可放心若遇伊等應往他處進攻時勒烏圍一帶必須酌留人員一人如額森特駐兵防守方爲妥協

十月初六日

公偕豐昇額海蘭察額森特奏言查達思里山腿迤下將至溝邊有碉寨數處在雅瑪朋寨落之西科思果木官寨之東均在卡布角所屬各寨之內

攻得此處則科思果木已攔截在內雖與科布曲賊尙可相通而既有一水之隔援應已多不便自不難於攻取且賊必疑我又將從此踰溝斜上爲搶佔科布曲之計亦必撤其力量於此嚴防其西里等處既可相機搶佔而從此可以籌辦之處亦多臣等察看山腿迤下之處有路三條當於二十三日派烏什哈達官達色福康安等各帶兵一隊循山腿而下分路進攻臣海蘭察率同格勒爾德泰斐英阿等帶兵援應查此處山腿其上本有三礮以次相接前攻克達思里寨時業經攻得一礮

特因是時欲爲繞進橫截之計是以未將第二三

礮掃盡是日黎明

臣

豐昇額督率官兵前進先將

第二礮攻獲其第三礮之賊已覺勢孤無助官兵

直冲礮下攀附而登又將第三礮攻破礮內賊人

殲斃甚多並攻開礮下寨落五處所克礮寨悉行

焚燬查此時達思里山腿上下之礮寨已清若下

至溝邊將雅瑪朋寨落及科思果木往來路徑竟

行佔住又可添一進取之路仍於達思里一帶察

看西里及安布魯木賊人如稍有抽撤疎懈之處

轉可出其不意突然繞攻

臣

等現在督兵卽於所

燒各寨落處拏柵而下相機攻搶奏入

諭曰阿桂等此次進攻雖未能得賊人要隘然已將達思里二三礮攻克焚燬且擬於所燒寨落處拏柵而下相機攻搶阿桂隨地偵探部署無一刻不切實用心又且長於籌畫近亦思迅速藏功遇有應進之處自能經理得宜此時自應及早得手

十二日

公偕豐昇額海蘭察額森特奏言查達思里直下一支爲正山腿其餘尙有三條臣等於二十三日攻克焚燒各礮寨之後卽拏柵十五座已距雅瑪

明礮寨不過一箭之地因達思里山腿正支之下  
又有山包一處其上設有雙礮均屬完固未免稍  
費兵力隨於二十七日折向西面山腿擊柵前進  
又經擊起五座二十八日黎明復分派官兵循梁  
接擊賊從林箐中間繞過擊柵之處上前衝突福  
康安普爾普等督率官兵奮力衝殺賊人傷死甚  
多始行敗退官兵又接擊木柵二十一座直至河  
沿其科思果木與雅瑪朋寨落往來之路已被中  
間截斷臣等逆料此夜賊人勢必乘木柵外濠溝  
欄木尙未十分堅固復來侵擾遂令侍衛楚巴什

等帶兵分爲三處於新拏木柵之前潛行設伏及至三更果有賊二百餘人由林箐中潛出直撲最前新拏木柵四座我埋伏官兵先經望見一俟賊至柵邊內外擊打賊人驚惶奔竄官兵趁勢下追直至密箐之內賊人被殲及負創逃者甚衆查官兵直至河沿則科思果木官寨已攔截在內雖尙可踰水過溝與科布曲山腿之賊稍通聲息然勢孤援遠自不能久於拒守臣現擬於達思里山腿下所拏柵內築起礮臺用礮先摧山包上雙礮卽搶佔雅瑪朋寨落諒不至費手並察看西里一帶



賊人若見此處攻打緊急稍有移動並卽分兵攻  
搶務期卽克奏入

諭曰阿桂等奏官兵由達思里山腿拏柵業已下至河沿  
將科思果木與雅瑪朋寨落截斷賊人不能往來應援  
自可立時攻克至賊人當此窘迫之際尙敢潛出侵擾  
實爲可恨幸官兵防守甚嚴殲賊甚多稍足使蟻衆知  
警但侵劫營卡乃逆賊鬼蜮長技各路軍營皆不可不  
實力防守並須隨時偵察勿稍疎懈

十八日

公偕豐昇額海蘭察額森特奏言官兵連日以來

於達思里迤下各條山腿極力攻搶下至河沿已  
將科思果木攔截在內又拏柵鑿賊料官兵卽  
於此處爲攻取卡布角搶上科布曲之計又於此  
悉力抵禦其與勒烏圍前相對之科布曲三腿中  
隔大溝崖礮陡峻賊人恃其險阻守禦不無稍懈  
轉可乘此進攻臣額森特率同富興書麟保寧特  
成額分兵兩隊從正面攻搶並於山坳設伏以截  
來援初五日丑刻各隊躡水而過潛密無聲搶上  
山梁先得礮前大卡一座殺賊數名乘勢直抵大  
卡之下賊人羣起放鎗因是礮共有三層賊番等

平日用梯上下並無門戶官兵一面拋入火彈一面挖掘礮根賊已陸續來援經官兵分頭迎擊及埋伏之兵突出截殺所斃甚多攻至辰刻礮內賊人抗拒益密相度所得之卡佔據亦爲無益因令官兵撤毀而回查雅瑪朋寨上山包所有雙礮係一新一舊新礮易於轟毀舊礮頗爲堅固當將礮先擊舊礮已有坍塌現并轟擊新礮擬於一二日內發兵攻搶一得雙礮既可搶佔雅瑪朋寨落卽科思果木礮寨亦歸掌握從此相機攻取科布曲其道路又寬總以此時進搗噶拉依賊巢止隔此

科布曲山梁一經搶據卽已事半功倍

公又偕豐昇額奏言查扎烏古山梁本在勒烏圍西北隅今旣尙未攻克則勒烏圍近在沿河防守自不宜疎是以臣等於攻克勒烏圍後令額森特帶兵於轉經樓甲爾日磔橋一帶駐扎以便相機攻搶科布曲山腿并防範河西其自梭洛柏古至達爾扎克又至密拉噶拉木巴占榮噶爾博勒烏圍一帶山梁爲軍糧軍火臺站所經臣等均已相度緊要處所順梁分設營卡萬無一失至勒烏圍以北冷角寺赤布占等處沿河地方原無須兵駐

守今<sub>臣</sub>等皆設有營卡直過對岸營卡之北以此處與沙爾泥兩岸相對使賊人不能從北繞過<sub>臣</sub>等前令額森特於噶拉宇一帶統領攻打彼時甲爾日磔橋轉經樓勒烏圍仍畱五岱富興烏爾納等在彼防守及至莫魯古等處攻克接通之後額森特卽已仍回勒烏圍駐扎今復轉諭額森特加意嚴防斷不致稍有疎懈奏入

諭曰阿桂等奏攻打科布曲山腿礮卡並礮轟雅瑪朋寨上山包雙礮實爲用心周到前此惟恐勒烏圍後路或有賊人潛來滋擾是以屢次傳旨詢問今據阿桂覆奏

措置尤屬周密阿桂凡遇攻佔賊碉多係繞道分兵而得所有節次調度明亮豈不聞知何以屢次進攻輒爲賊衆阻遏就圖中形勢而論若敖成所守之甲索山梁下攻斯底葉安一路則自上下壓較爲利便或可有得但不宜輕率移兵致賊人窺見預防徒勞無益

二十四日

公偕豐昇額海蘭察額森特奏言查雅瑪朋寨上山包各達噶木山腿至此復起官兵進往攻奪仍須自下搶上前訊之投番稱賊人已於山包兩旁山溝林箐之內設伏預備以撓我進取之兵自宜

再接木城前通始可奮勇力攻當於初八日令官兵拏柵五座又於初十日拏柵七座已無慮賊人從旁衝突但賊人狡猾異常以雙礮被礮轟摧日就頽坍已無可恃因在兩礮中間橫挖溝濠一道順溝聯排石卡五座其內均有賊人以拒官兵直上衝撲之勢且此雙礮後賊人尚有兩礮互爲援應現在所轟之雙礮內新礮雖毀其舊礮尙未大塌當派福康安普爾普等帶兵在左翼烏什哈達瑚尼爾圖等帶兵在右翼臣海蘭察等從中路進攻豐昇額隨後接應於十一日丑刻進發此處賊

人聚集甚多一俟官兵將上山包其壕中卡內以及各礮之賊合力放鎗並將大石推轉而下勢甚緊密其將抵礮卡之處坡礮倍爲陡削海蘭察一面催督中路官兵竭力迎擊一面令兩翼官兵從左右抄越施放連環烏鎗直壓山包兩旁及南面抵敵之賊中路官兵將各卡悉行奪取其溝濠之賊奔竄無路大半殲斃壕中乘勢進撲各礮飛騰直上新舊兩礮立時攻克並將後二礮一併攻克所有礮卡內賊人除被殲之外其逃出者又被官兵往下窮追鎗箭所殪更爲不少查達噶木一處



實爲賊境緊要咽喉今被官兵力攻而得非惟下  
歷雅瑪朋碉寨較易爲力而西里下截山腿雖本  
有碉卡賊又新拏起木城而地勢尙非甚險從此  
攻搶尙不至於棘手臣等現復拏柵下逼並移礮  
往轟一面攻打雅瑪朋碉寨以亂賊人耳目卽一  
面直搶西里下截山腿如將此處佔據則進攻科  
布曲山梁道路已寬自可卽望克捷

公又偕豐昇額奏言本月初七日小金川頭人末  
利阿什咱同其妻舅阿噶爾甲各帶家口投至軍  
營查該二番於小金川頭人中頗爲著名若非實

有見於金川滅亡在卽斷不肯冒死投出今末利  
阿什咱并將伊母置而不顧其爲情急來投更屬  
顯然且卽其所稱索諾木已將異母之莎羅奔等  
誑至噶拉依不令復出而賊目等又皆彼此猜疑  
其勢已成瓦解臣等現在竭力奮攻自不難迅爲  
犁掃惟末利阿什咱係帶兵抗拒之人而阿噶爾  
甲則於三十七年投誠三十八年在木果木出兵  
帶傷回至本寨卽與金川勾結滋事情罪本無可  
宥但此時若遽行嚴辦或解送京師則金川頭人  
及在金川之小金川頭人心生畏懼轉不能多行

生致臣等現將其家口發往附近內地土司地方安置其末利阿什咱阿噶爾甲應請暫緩辦理以供軍營體訪賊情之用並誘賊目等投順可以多得生致數人明正典刑以快人心仍飭幹員留心防範亦斷不致稍有疎失均奏入

諭曰阿桂等奏攻克達噶木山包賊礮現在設法分攻雅瑪朋礮寨以便進攻科布曲所辦甚好達噶木爲賊緊要咽喉今官兵旣已佔據從此進攻自更得力又奏小金川頭人末利阿什咱同其妻舅阿噶爾甲投至軍營請暫緩辦理以供軍營體訪之用所見亦是末利阿什

咱係小金川頭人黨助逆曾帶兵抗拒與旣降復叛之  
阿噶爾甲情罪均無可道今阿桂旣欲暫畱在營供用  
或可稍資其力亦未可定設其人果欲立功自贖實有  
可藉以誘惑賊衆之機卽酌量賞給頂帶使衆番豔羨  
亦無不可統俟大功告成之後將該賊目解京另行辦  
理再西路之兵因阿桂屢戰克捷遇敵皆踴躍直前而  
北路之兵因明亮經久未能寸進衆心未免稍阻自當  
設法鼓舞使人知勵勇効用方爲有益明亮舒常各宜  
努力自奮

三十日

公偕豐昇額海蘭察額森特奏言官兵旣克達噶木下距雅瑪朋碉寨已爲至近臣等一面拏柵下逼一面移礮轟催已多坍塌但卡布角一帶寨落尙多官兵從此前進必穿寨落中間而過兩邊均係賊番屯聚若稍有不甚應手之處則酌撥旣難而接續亦爲不易必須直搶西里下截山腿則雅瑪朋寨落及科思果木悉已攔截在內而由們都斯進搶科布曲山梁上之索隆古地方始可進退自如雖該處在西里賊碉迤下但審山巒形勢只須拏住卡柵則雖賊人自上下壓亦可無虞此時

既不可稍露我兵有攻取西里山腿之意而一得西里山腿亦必迅拏木柵佔據爲卽進搶們都斯索隆古之計庶可出賊不意采入其阻此時西里山腿卡柵賊雖已有備禦但我兵現在力摧雅瑪朋礪寨以混其耳目使賊人揣我必將卡布角山溝各礪寨速行掃盡始搶西里山腿防備不無稍疎臣等卽於一二日內發兵攻取奏入

諭曰阿桂奏籌辦搶佔西里下截山腿並預備攻奪科布曲山梁情形阿桂實心調度設法進攻實爲可嘉而各路之兵亦惟阿桂最爲可恃是以盼望尤切但自攻得

防 五月 六年 言 卷 十一  
勒烏圍以來距今已七十餘日雖所至已屢有克捷而  
於西里及科布曲兩要隘尙未攻克朕因此晝夜焦思  
阿桂自必深體朕心力圖迅速集事

閏十月十二日

公偕豐昇額海蘭察額森特奏言現又竊探西里  
賊寨之上有黃草坪一處雖其上下俱有賊礮槍  
佔亦屬不易但突然搶上一面多備勁兵勦殺各  
處來援之賊一面佔據其地只須盡一日之力將  
木柵拏定數處則已將西里山梁各礮寨聯絡之  
處從中隔斷下壓自易爲力

公又偕豐昇額奏言前奉

上諭以

臣等處尙須兵力或於後路調兵三千名亦無不

可而體察後路情形底木達可抽七百餘名美諾  
可抽四百餘名業經行知常青等抽撥今復奉

諭旨令將抽後路之兵調赴明亮軍營查此項兵丁一千  
一百六十餘名已於十月二十九日到齊臣等當  
卽札致明亮並令此項官兵卽於初一日渡河前  
赴沙爾尼聽用均奏入

諭曰阿桂奏探得西里賊寨之上有黃草坪一處若突然  
搶佔下壓自易所籌甚好邇日想已得手看來賊衆勢



已慌亂官兵若能卽將西里攻得不但科布曲之賊可不攻自潰其餘則朗噶克了口等處自皆可乘勝席捲番地冬令天氣多晴阿桂務須趁此時努力爲之又另摺奏底木達抽兵七百餘名美諾抽兵四百餘名俱令其赴明亮軍營聽用前據明亮等奏現在設法進攻納木迪一帶正需兵力若新調之兵到彼明亮等卽能統率前進攻克賊碉固屬甚善設或攻勦未能卽克仍如前坐守則是將有用之兵置之無用之地又不如令此一千一百餘兵仍赴阿桂軍營添助聲勢於事更爲有益倘明亮一路實須此項兵丁應用不能再赴西路阿

桂或酌於美諾一帶後路除防守要隘外尚可抽兵千餘令赴西里一帶備用自屬更捷若難以再調亦不必勉強從事轉致畱防之員得以藉口此事著交阿桂熟籌妥辦

閏十月二十日

公偕豐昇額海蘭察額森特奏言西里山腿迤上有黃草坪一處其上下雖皆有賊人礮卡守禦若能突然搶佔已將賊礮從中截斷自上下壓攻搶自易臣海蘭察率同侍衛章京帶領勁兵在前攻佔令烏什哈達帶兵在黃草坪趕擊木柵又派侍

衛額爾特等於黃草坪以下接拏木柵而令福康安瑚尼爾圖泰裴英阿等防護以備勦殺來援之賊又派普爾普五福等在額爾特之下溝底拏柵海祿官達色在溝北對面拏柵復派成德等由色木里前進攻打黃草坪以上賊人碉卡並截堵安布魯木等處賊援初七日丑刻各隊官兵前進將至黃草坪賊人向下衝突官兵分爲數隊施放鎗箭奮迅攀援而登直上黃草坪地方合力勦殺賊人跟蹌奔潰官兵遂佔其地并乘勢攻克寨落三處一面令烏什哈達等督兵趕拏木柵至午刻賊

人均攢集於烏什哈達所拏木柵山包之後而各處之賊又已陸續全來約共有三百餘人於山包之後突然吶喊下壓拏柵之兵該處屯土各兵故爲少却引至明敞地方臣海蘭察帶兵從拏柵之地直前迎擊而誘賊之屯土各兵復回身奮擊殲斃甚多餘賊始行逸去至日落時趕拏木柵二十餘座賊乘官兵撤回之際又從箐林中突出經我兵回身衝殺各柵官兵亦內外合擊始行鼠竄及至亥刻又攢集二百餘人潛來臣海蘭察等飭令官兵凝然不動俟賊至柵邊一齊放鎗射箭賊人

倒斃紛紛旋即敗遁計此數次殺賊共二百餘人  
日間並見有紅衣賊屍三具爲賊拖拽而去至科  
布曲山腿臣額森特於初八日丑時派兵分隊進  
攻保寧特成額烏爾納一路官兵先行踰水過河  
並無聲息一抵山根迅速搶上將大礮一座石卡  
二座克取殺賊二十餘名乘勢進攻東西山巒突  
起處大礮維時後隊接應官兵正在陸續上登賊  
亦分路迎拒官兵向上仰攻極力鏖戰直至辰刻  
因山脊逼窄不能一擁而上而所得礮卡正在峰  
巒大礮之下賊人鎗礮一一可及難以久站拏礮

因將所得礮卡折毀暫行酌撤查西里一帶實係賊人緊要門戶今官兵佔據之黃草坪地方所有木柵俱已收拾堅固再拏數柵即可直上山梁之頂橫截於賊人礮卡中間則在上之賊不能援應在下之賊官兵不難衝壓一得是處則迤下皆可迎刃而解上搶索隆古則朗噶克了口道路更寬賊人卽聚集拒守亦必不能遍爲堵禦奏入

諭曰阿桂等奏官兵攻搶西里山梁黃草坪拏柵佔據並攻打科布曲山腿在事之將領弁兵實屬奮勉據阿桂奏擬現直上山梁之頂橫截賊人礮寨中間一得此處

迤下皆可迎刃而解阿桂調度得宜自可乘勢席卷迅  
奏膚功

二十六日

公偕豐昇額海蘭察額森特奏言查黃草坪地方  
近訊之頭番地名阿穰曲又上名強達巴再上卽  
爲安布魯木官兵從阿穰曲向上接拏數柵卽可  
橫亘山梁中間斷其聯絡應援之勢隨於初九日  
夜督令官兵進拏木柵四座初十日夜又拏柵六  
座相距賊人已近賊見官兵將斷山梁卽於是夜  
先在官兵欲進佔之地拏起大木城一座臣等派

普爾普瑚尼爾圖烏什哈達等分爲三路向上直  
攻臣海蘭察等潛從林箐中間繞出木城自上下  
壓將木城克獲殲戮甚多卽派兵佔據隨一面設  
伏以截來援之賊一面趕緊拏柵至十二日又拏  
得八座分兵據守查阿穰曲之下尙有兩山峯山  
峯上均有礮寨必應用礮轟摧臣等先已趕鑄礮  
位連夜運往併於十三日築起礮臺兩座至阿穰  
曲以上強達巴各礮寨勢處上游賊或以爲有恃  
無恐亦可攻其不備十四日子刻烏什哈達普爾  
普等督率官兵突然衝上連克大礮三座木城四



座而福康安泰斐英阿等從阿穰曲而下直上前  
面山峯攻克大礮木城各二座殺賊更多因卽趕築  
木柵佔住第一山峯並移礮前進擊打第二山峰  
上之木城石卡此處木城在林箐中間其前濠溝  
深濶坡礮陡削正面旣難施力若從兩邊抄下則  
其旁又設有木城遮護其後寨落頗多接應放鎗  
一一可及官兵進攻不免受敵查自阿穰曲而下  
有斜岔山腿一支直至勒烏溝河沿其間雖有寨  
落三處攻取尙不爲難而官兵從此拏柵而下一  
至河邊則已繞出雅瑪朋寨及卡布角東西其西

里下截山峯礮寨賊人抵拒無益亦可不攻自潰  
而直上索隆古道路甚寬奮力搶佔賊必益形慌  
亂現已拏木柵十四座趕緊辦理以期迅速搗巢

奏入

諭曰阿桂等奏官兵搶上西里山梁從中拏柵截斷其上  
下礮寨並經攻克覽之深爲欣慰西里係賊人最要咽喉  
今經官兵搶佔尤爲得勢賊衆必更難於抵禦從此  
迅搗賊巢自可尅期奏捷此次將軍調度有方統俟大  
功告成另加優叙其在事之出力將領弁兵并著交部  
議叙領隊各員均能奮勉集事並屬可嘉而海蘭察每

西戎傳卷之三十一  
四二  
遇攻礪奪隘俱率衆先登所至克捷功績尤爲超衆將  
來奏凱策勲必當格外加恩優錫海蘭察亦當努力爲  
之今賞將軍參贊等及奮勉之領隊大臣大小荷包以  
示獎勵

十一月初四日

公偕豐昇額海蘭察額森特奏言查阿穰曲左首  
斜岔山腿下寨落三處業於十五日攻得其一接  
拏木柵十數座而前茲於十七日復派兵前往攻  
得第二座寨落惟將至河沿之第三座寨牆甚厚  
賊人聚集死守必須拏柵二十餘座進逼方能攻

撲則稽延時日更多臣等共同商酌以索隆古一帶路徑頗多官兵從此搶上必須厚集兵力方可分頭攻打今前敵各處分駐官兵爲數不少即使攻克第三座寨落而第二山峯等處之賊倘未肯卽時潰散則前敵之兵均難抽撤於直上索隆古分頭搶壓之計斷不能行究不如將第二山峯木城攻克則直壓至山腿之下勢等建瓴此處賊人俱可掃盪而自科思果木以至卡布角各寨落亦必不攻自潰既無他顧之虞便可抽兵數千以資搶佔前進是從第一山峯之上轟擊第二山峯林

內之木城賊礮尙未能得力當於十八日夜連擊木柵六座前進並於柵內起築礮臺運礮轟打又派普爾普烏什哈達額爾特等督兵從阿穰曲右手向西南接擊木柵福康安瑚尼爾圖泰斐英阿等帶兵設伏以備賊人來擾現在連擊木柵十七座已繞過第二峯之西南現將運到礮位從旁轟摧在後之西里礮寨查官兵一上索隆古山梁則道路甚多隨處可進而從瑪爾古以至舍齊賊人皆無從堵截噶拉衣卽危如累卵故河西一帶雖克扎烏古山梁並已上通甲索然卽從此克獲阿

爾古甲雜而進抵獨松與噶拉依尙阻大河是以賊人雖愛護河西而西里一帶實屬賊人性命所關非但不肯稍爲抽撤以助河西並悉索其人竭力死拒以期稍緩須臾之死今臣等從長籌計務將西里山峯寨落尅日掃除以爲迅速搶上索隆古山梁之計奏入

諭曰阿桂等奏所籌大有把握自卽可望得手看來賊人全力專注西里一帶今阿桂等相機進攻自可乘勝克捷而噶拉依賊寨據投番等所供現甚空虛攻之自易爲力是掃蕩噶拉依賊巢惟盼阿桂等之一路迅速蕨

事至河西一帶賊既不能抽兵相助則攻取亦不甚費  
手今又聞索諾木仍在甲雜而土婦阿倉等現存雍中  
喇嘛寺明亮等若攻克阿爾古卽馳往甲雜勦擒逆酋  
並乘勝攻佔獨松兼可杜賊衆西竄之路彼時或馳赴  
阿桂處幫同掃平噶拉依或渡河攻打雍中喇嘛寺擒  
獲阿倉阿青等則賊勢更孤明亮等卽可由彼處與阿  
桂約會夾攻噶拉依巢穴自更可期迅速集勦

公又偕豐昇額奏言梭磨土婦卓爾瑪帶同伊子  
已襲土司斯丹巴親赴軍營呈送牛五百頭酒一  
千簍糈粃五百背以備犒賞滿漢屯土各兵之用

該土婦懇求甚力頗見誠心因思酒與糶粃伊老  
幼千人遠道負至不便仍令運回致滋苦累當卽  
分給各兵其餘牛隻俱各發還並將該土婦土司  
及頭人番衆厚加賞賚甚爲欣悅而去查梭磨係  
安撫司職銜而近年以來如綽斯甲布巴旺布拉  
克底土舍均已晉陞宣慰司今該土婦深知大義  
派出隨勦土兵亦多可否將伊子安撫司斯丹巴  
晉爲宣慰司以昭鼓勵之處出自

聖恩奏入

諭曰梭磨土婦卓爾瑪並伊子安撫土司斯丹巴恭順可



嘉著加恩將斯丹巴賞給宣慰司之職以示鼓勵

初十日

公偕豐昇額海蘭察額森特奏言阿穰曲第二山峯木城本在樹林叢密之中不能全身畢露用礮轟數日未能遽行摧破臣等急於進攻二十三日派福康安普爾普烏什哈達額爾特分兵兩隊一從阿穰曲山梁正面進攻一於右首繞上從旁進攻先令官兵於附近山峯箐林之內潛往埋伏福康安等帶兵分路衝上而城邊濠溝深濶其外復有大木重疊橫欄官兵正扳援前進而深溝阻隔

總難跳越而登維時官兵見有露身柵上抗拒之賊卽行擊射爲鎗箭所中者甚多而各處來援之賊又有一二百人在木城後藏匿欲爲衝突之計經山峯右首官兵看見將所安礮位從旁轟擊賊始竄入木城固守臣等現又鑄成大礮兩位運往轟摧仍擬卽分兵三路上攻木城並木城後兩礮則木城必不能守而一得木城則憑高下壓礮寨亦斷無尙能死守之理并於現擊木柵之下再接再木柵十餘座直斷木城兩礮之後賊必不能再施伎倆諒可一鼓而克奏入

諭曰阿桂等奏官兵攻打西里第二山峯木城礮卡一摺  
看此情形賊人不過護死抗拒無能復爲久支况添鑄  
大礮往轟仍擬分兵搶佔自無難操券而得至噶拉依  
現在光景甚屬空虛各番供詞如一自係實情阿桂等  
前奏若搶佔索隆古山梁隨處可進其瑪爾古舍齊之  
賊皆無從堵禦自可乘勝席卷但前次番人等曾有賊  
衆尙欲拒守舍齊喇嘛寺之供若從索隆古山梁而下  
路徑過多卽可覓間直搗噶拉依一經掃蕩賊巢其餘  
賊人礮隘如舍齊雍中喇嘛寺皆可傳檄而定便可一  
面辦理平定事宜一面迅發紅旗報捷

公偕豐昇額海蘭察額森特奏言查西里第二山  
峯名奔布魯木此番接拏木柵在奔布魯木山峯  
木城西礪之下西里正寨之上官兵橫亘其中硬  
拏木柵料賊人情窘勢屈自必合力迎拒且此處  
係上下鎗礪一一可擊之地官兵容易受傷必應  
分賊之勢始可拏柵前進當派福康安瑚尼爾圖  
泰斐英阿帶兵前進先爲拏柵官兵防護卽派額  
森特等帶兵隨進拏柵又派普爾普等帶第二隊  
之兵烏什哈達五福等帶第三隊之兵緊隨進發  
接拏木柵臣海蘭察率同官達色格勒爾德等進

攻奔布魯木山峯木城礮卡併爲各路策應官兵  
乘夜奮迅前進從鎗礮中間步步擊柵而前賊人  
拚命衝突均被官兵施放鎗箭痛殲敗回遂接擊  
木柵十餘座已環繞於山峯兩礮寨之後越過山  
脊而東臣等卽於新擊木柵之內用礮轟擊兩礮  
已多場損其兩礮外尙有一礮最當扼要因限於  
地勢用礮未能得力復於初二日夜接擊大木柵  
一座築起礮臺用礮轟摧臣等揆度賊情官兵木  
柵已截出木城礮寨之後三面皆有官兵其向東  
一面山勢極爲陡削不能合圍因此處係賊人緊

要咽喉雖山梁上下往來路絕白日已不能行走而東面陡險之處尙有微徑爬越可行仍復死守不去若從第一峯之左手拏柵而下與自右手拏進繞過東南之木柵彼此相對鎗礮擊打賊人卽於夜間繞越并有所難第此一帶上下山勢橫斜道途叢雜必得分兵攻打始足以牽綴賊勢當令五岱富興率同各將領等駐守勒烏圍前敵而臣額森特帶兵千餘來赴西里山腿盡處合力攻打初三日晚臣海蘭察分派各兵一面令將預備木植趕拏木柵一面分兵三路進撲臣海蘭察督令

官兵直抵山峯木城之下奮力亟攻拋擲火彈延燒木城官兵乘勢騰擁而上賊人踉蹌奔出官兵尾追截殺殲戮甚多並滾崖跌斃者不少餘俱燒斃於內其福康安等帶兵攻入各碉寨並於寨牆挖孔放火焚燒官兵四面圍定賊人不能逸出亦均斃於火無得脫者而普爾普烏什哈達等之兵向上攻圍碉座賊見官兵勢猛且各處烟焰蔽天力不能支從碉跳越而逃經普爾普等帶兵壓下鎗箭所及又多殺戮維時已及三更三隊合兵自上衝壓而下直至西里正寨寨內賊人一面放鎗

拒敵一面奔竄又將寨落克取官兵乘勢攻壓其寨後尙有山腿一處賊人仍思據守而官兵已分兩翼抄下賊亦旋行潰散所有迤下山腿各礮卡隨攻隨克將近四更官兵已壓至溝邊維時臣額森特望見西里山梁官兵已層層鏖戰而下迅卽率同保寧常祿等攻撲西里山腿盡處木城亦經克獲此次打仗共得木城九座大寨四座石礮七座石卡數十座殺賊百餘人查雅瑪朋寨落之東寨名舍勒固租魯其從阿穰曲左首岔下山腿盡處亦有一寨名瓦喇占得此二處則非但雅瑪朋



寨落又已攔截於內而從此均可直上科布曲索  
隆古即使賊酋等攢集拒守而我兵旣無他顧之  
虞又可多爲撤出以資前進自不難於力取奏入  
諭曰阿桂等攻克各處要隘多方籌畫調度合宜屢戰克  
捷實屬可嘉現在大功指日告成將軍等自當特膺茂  
賞所有先登制勝之參贊海蘭察及帶兵勇往之領隊  
大臣福康安等均著交部議叙其隨從分隊打仗出力  
之滿漢屯土各兵並著將軍等查明賞給一月錢糧以  
示鼓勵

恭錄

御製詩

將軍阿桂奏報攻克西里第二峯期相機進剿情形

詩以誌事

勒圍克後逾三月西里當前限幾峯近穴咽喉賊固守截  
礮寨柵我橫衝阿桂自八月望攻克烏圍後統兵乘勝  
力守禦攻之頗不易近已克其阿穰曲腔達坂等處而西  
里正峯尚未能用礙於其下接擊木柵復籌於現擊木柵  
第二峯之右用礙於其下接擊木柵復籌於現擊木柵  
之下再接數柵橫截賊後使其不能相顧茲據阿桂奏西  
里第二山峯名奔布魯木新擊木柵卽在山峯木城兩礮  
之下西里正寨之上其地爲賊人鎗礮所易及必須分賊  
之勢始可擊柵逼進隨派福康安等前行防衛擊柵官兵  
而合額爾特等隨進擊柵派普爾普等爲第二隊續行而  
第三隊之烏什哈達等卽令緊隨擊柵  
分兵合隊皆中  
以進海蘭察等爲各路策應鼓行而前

嬰下壓上批都礪鋒

閏月二十九日十一月初一我兵兩

步步擊柵而進接擊十餘柵環繞山峯兩礪寨之後越過  
山脊而東圍其三三日晚令額森特帶兵千餘赴西里山  
隅不動因於初三日令額森特帶兵千餘赴西里山  
盡處合攻而令海蘭察督兵趕擊木柵復派福康安從左  
進攻普爾普等向上攻打海蘭察率官達色等直縱火因  
取奔布魯木山峯木城部署既定三隊分頭搶撲

風

天助順登巒乘夜衆摧兇

海蘭察督兵直抵山峯木城之

下攻至二更拋擲火彈百餘然及賊人木城外所積枯枝

橫木值大風忽作火勢蔓延燒至木城官兵乘勢騰踴而

上羣賊踉蹌竄出官兵尾追殲殪及追急墮崖死者甚多

其不敢出城者均成灰燼時福康安帶兵攻入各礪並穿

礪牆縱火焚燒官兵四面合圍賊不能逸亦均斃於火普

爾普等仰攻礪座賊見官兵勢猛且各處烟燄蔽天力不

能支躍礪而遁官兵鎗箭追擊復多斃戮時已三更官兵  
三隊合併自上壓下至西南正寨賊人一而抵禦一面奔

逃遂將寨落攻取復分兩翼抄出克其在後山包及以上  
山脚礮卡將及四更已壓至溝邊額森特等復攻克西里  
山腿盡處木城並克雅瑪朋前兩礮此次通計木城九  
寨四石礮七石卡數十殺賊百餘所獲鎗矛等物無算現  
擬攻勦雅瑪朋東之舍勒固租魯及阿穰曲左山腿下之  
瓦喇占奏至爲之欣慰卽勅部議叙海蘭察及領隊大臣  
等其隨隊奮勇兵丁各賞一月錢糧以示獎勵官兵屢勝  
勇氣倍增賊勢日就窮蹙自可席捲而入掃穴擒渠指日  
旂之至遂能據險成殊績將更相機蕲偉庸佇俟紅旗朝  
夕至永消蠻觸靖巴寶

二十三日

公偕豐昇額海蘭察額森特奏言查西里山腿之  
下舍勒固租魯及瓦喇占二處最爲扼要一得其  
地則上攻科布曲山梁較易用力但西里山梁一

帶林木深幽峯巒迴合道路亦甚叢雜而安布魯木等處至今賊尙死守必須相度緊要之處移設營卡以資控扼始可抽出兵丁爲直前攻打之計當卽督令官兵將山梁緊要之地俱已佔住並將礮位運往一打瓦喇占一打舍勒固租魯查瓦喇占一處卽係阿穰曲斜岔山腿之下第三處寨落其右首山坳尙有碉寨一處其內亦多賊人據守應一律轟摧攻搶而於官兵前此柁柵置礮之所相距不無稍遠卽於初九日夜派令烏什哈達官達色五福等逼近碉寨連柁柵三座並卽移礮

前往轟摧其舍勒固租魯之旁有相連大寨二處  
大礮一座係居舍勒固租魯及瓦喇占之中攻得  
是處則進搶舍勒固租魯可免旁顧亦於初九日  
派福康安泰斐英阿攻其右普爾普額爾特等攻  
其左官兵奮勇前進當將一礮兩寨悉行克獲殺  
賊十餘人其瓦喇占以上之寨落亦於初十日早  
派烏什哈達等督兵攻取因賊守禦甚嚴恐損兵  
力用礮趕緊連轟至十一日晚見礮寨已漸有孔  
穴候至十二日子刻乘其不意密派官兵一呼而  
進直至寨邊四面攀牆而入當將是寨克獲查此

一帶山溝內其瓦喇占舍勒固租魯兩處賊人知我搶上科布曲山梁必由於此是以強支煙臂以冀稍緩須臾此數日雖天色甚寒到處多冰凌積雪而成功在卽人人振奮自可不致稽阻惟賊番狡惡可恨見我兵將欲搶上科布曲山梁卽在索隆古以下們都斯一帶運木搬石又思添修礮卡但其地皆大礮可及之地日間屢爲大礮所斃已不能存夜間濕寒凝凍難以施力亦可無虞其阻我前進之路至此處官兵攻打緊急則科布曲山梁上克爾古什拉斯地方賊或不無抽減臣豐昇

額現同臣額森特復帶兵前往勒烏圍前敵察看情形如稍有疎懈之處卽相機合力攻取奏入

諭曰阿桂等派兵將舍勒固租魯相連碉寨悉行攻獲其瓦喇占以上之寨亦經攻得並殲戮多人官兵自可乘勝直前搶佔科布曲山梁而豐昇額又親往勒烏圍前路相機合力攻打所辦甚好至們都斯一帶賊番搬運木石思添碉卡拒守實爲可恨現據阿桂用大礮轟擊賊衆自不能存亦可無虞其阻計阿桂日內必當得手官兵若得科布曲索隆古山梁更爲得勢過此惟舍齊喇嘛寺或尙有賊抗拒然官兵屢勝之後聲勢甚盛由



陽  
彼下壓噶拉依易如摧枯拉朽惟當努力妥辦迅奏膚  
功以膺茂賞

二十九日

公偕豐昇額海蘭察額森特奏言臣等察看得雅

瑪朋寨左有大寨二處各格什格章右有大寨一

處各布智章其上又有大寨四處各克巴克占皆

雅瑪朋寨所恃以自固者若得此數處併卽搶獲

舍勒固租魯則不但雅瑪朋正寨其勢已孤可以

力取卽其餘寨落均可迎刃而解當於十四日分

兵三路進攻臣海蘭察帶兵爲各路策應十五日

寅刻官兵分路前進一齊攻搶其舍勒固租魯賊人悉力放鎗滾石而官兵乘高而下直抵寨根挖牆以入賊人不能存站當將舍勒固租魯一礮同時攻克其福康安等并克格什格章寨落二處普爾普亦攻克布智章寨落一處並計殺賊數十名其被鎗箭所傷捨死奔竄而去者甚多官兵已至河沿當卽拏起木柵七座繞出雅瑪朋寨之西角一面分兵據守並用礮轟其礮寨其瓦喇占一處令烏什哈達等拏柵近逼用礮轟摧並於是夜督兵奮力攻獲其自瓦喇占下至河沿剩有薩爾歪

寨落三處又已移礮下轟卽日相機攻取至十六日臣等以舍勒固租魯之南尙有寨落兩處係與雅瑪朋正寨互相援應必當分兵攻取十七日黎明官兵分爲六路一齊擁進普爾普三隊官兵先將舍勒固租魯之南寨落兩處圍在攻打均行奪獲其雅瑪朋正寨賊人拒守甚力尙未卽克臣等遂令官兵於新得之地趕擊木柵八座并另換生力兵一千名分爲四隊臣海蘭察同瑚尼爾圖等於中路埋伏普爾普等於右手埋伏俟至戌刻各官兵潛密無聲進抵雅瑪朋寨之下突然衝擊賊

人悉力抗拒而官兵不避鎗石拋擲火彈劓挖孔  
穴並趕運樹枝放火焚燒延入寨內將賊人悉行  
燒斃並將附近寨落之木城四座一併攻克臣等  
公同商議科思果太官寨向雖未經攻打而此內  
賊人現亦必不能存立若乘勝克取溝內賊氛卽  
已掃盡於搶上山梁之舉更可無虞後顧因卽派  
額爾特帶兵沿河前進向上仰攻派仁和等帶兵  
向下攻壓賊人心膽已寒一見官兵勇猛衝進卽  
棄科思果木官寨竄入下手平碣官兵一面圍攻  
一面乘風縱火又將平碣內賊人燒斃無一得脫

其舍勒固租魯之東薩爾歪之西溝內尙有三寨  
又派侍衛巴達瑪等乘勢進圍立時克取此連日  
打仗共得碉寨木城五十餘處殺賊二百餘人生  
擒四名查從前官兵攻得西里山腿之後原可從  
沿河碉寨中間冒險穿越而過上攻們都斯索隆  
古等處但此山梁上道路既多分頭攻搶實非多  
兵不辦而沿河之碉寨未清則西里達思里舍爾  
圖拉布勒四道山梁皆須官兵分駐難以抽撤多  
兵今各寨俱已廓清即可於緊要處所酌畱營卡  
其餘防守各兵自可儘力抽出以資前進

臣等現

在趕緊攻打薩爾歪寨落以截斷勒烏溝一帶賊人併卽連夜移設營卡約計得兵五六千人卽可迅上科布曲索隆古山梁以直搗噶拉依巢穴

諭曰阿桂等奏科思果木本係賊酋緊要官寨勢居陡險礮堅牆厚攻打較爲費力今阿桂旣將舍勒固租魯等處礮寨悉行掃除並科思果木亦卽迎刃而下阿桂現已抽調防兵五六千趕緊攻打薩爾歪寨落以截斷勒烏溝之賊卽可迅上科布曲索隆古山梁直搗噶拉依巢穴自更勢如破竹而明亮一路亦經攻克阿爾古已出對河科布曲之下南至臨河現卽趕運大礮將對河

賊卡隔岸轟摧甚爲得力是目下兩路官軍聲勢倍爲  
壯盛看來逆酋不過暫圖護死其手下賊番似亦不能  
如前此之悉力抵禦逆酋力量更不能支大功自可速  
成阿桂明亮等益當努力爲之指日掃穴擒渠以膺酬  
庸茂賞